


宋繫太平御覽





太平御覽卷第一百二十八

偏霸部十二

宋劉裕 劉義苻 劉義隆 劉劭 劉駿  
劉子業 劉彧 劉昱 劉準



徐爰宋書曰高祖武皇帝姓劉氏諱裕彭城綏輿里人夜  
生有神光之異是夕甘露降于墓樹嘗遊下邳遇一沙門  
于逆旅沙門言及中原事故因云江表尋當喪亂高祖曰  
便遂至亂亡當有拯之者不沙門曰拯之者其在君乎其  
意甚至初高祖患手瘡積年未瘳沙門曰此瘡難治先有  
良藥當以相與因出懷中黃散裹留之沙門既去高祖追  
而望之倏忽不見以黃散治瘡一傅而愈餘散寶錄之被  
金瘡輒用有驗晉陵人韋叟少以占相為事其言多驗嘗



相高祖曰君當位主方伯久之又曰君相輒進貴不可言  
唯願富貴無相忘晉末妖賊孫恩作亂前將軍劉牢之東  
討牢之請高祖參軍事牢之命高祖覘賊遠近將勇士數  
十人會遇賊至仍迎擊之賊衆數千高祖所將人多死而  
戰意方酣奮長刀所殺傷甚衆牢之子敬宣疑高祖淹久  
恐爲賊所殺乃輕騎赴之旣而衆騎並至賊遂大崩高祖  
爲流矢所傷通中信宿而愈自後屢被重傷皆弗以爲患  
軍中益加敬憚恩北走海鹽高祖追而擊之築城于海鹽  
故治恩知城弗可下乃進向滬瀆帝復弃城追之恩乘風  
浮海奄至丹徒帥衆數萬鼓譟登于蒜山居民皆荷擔而  
走高祖率所領奔擊大破之投巘赴水死者甚衆恩顛沛  
僅得還船雖被摧破猶恃衆力遂徑向京師朝廷震懼以  
高祖爲建武將軍下邳太守帥舟師討恩于郁洲復大破

之相玄從兄循以撫軍鎮丹徒以高祖爲中兵參軍玄篡  
帝位循入朝玄高祖從至京師玄旣宿憚高祖威名又悅  
高祖之風儀姿貌語司徒王謐曰昨見劉裕卿不得獨擅  
其清或說玄曰劉裕龍行虎步瞻視不凡恐必不爲人下  
宜早爲其所玄曰我方欲平蕩中原使裕以萬人爲前驅  
關隴不足定也事定之後當更議之耳高祖乃與弟道規  
沛郡劉毅東海何無忌潛謀匡復相循弟弘以征虜將軍  
領廣陵以道規爲中兵參軍劉毅先亦爲弘吏佐遭母憂  
還京口是至任江北與道規共集義徒高祖託遊獵會無  
忌及任城魏詠之高平檀憑之及從弟蕃等同謀二十七  
人并願從者百餘人是時大風暴起丙辰詎朝城門開義  
衆馳入稱有詔齊聲大呼吏士驚散卽獲相循斬而徇之  
與相弘主簿平昌孟昶等帥壯士六十人斬弘于廣陵城



因收衆濟江玄遣頓丘太守吳甫之右衛將軍皇甫敷北拒義軍或曰裕等衆力甚弱豈有辨成陛下何慮之甚玄曰劉裕足爲一世之雄劉毅家無擔石之儲樛蒲一擲百萬何無忌劉牢之甥酷似其舅共舉大事何謂無成衆推高祖爲盟主移檄京邑遇吳甫之於江乘甫之玄驍將也其兵甚銳高祖躬執長刀徑入其陣衆皆披靡卽斬甫之進至羅落橋高祖望賊旗鼓誓衆馳進挺劍指麾光曜如電將士皆莫敢仰視但馮神武爭爲先登殊死而戰無不一當百呼聲動天地風火竝起鉦鼓之音震駭京邑相兼等諸軍一時土崩高祖鎮石頭留臺百官群僚宿衛各率其職於是推高祖爲使持節都督揚徐兗豫青冀幽并八州諸軍事鎮軍將軍徐州刺史栢玄經潯陽江州刺史郭昶之備乘輿法服以資之收略二千餘人挾天子奔于江

陵冠軍將軍劉毅輔國將軍何無忌帥諸軍南討破玄大將軍郭鈴等于桑落洲玄奔衆復挾天子西走初益州刺史毛璩遣弟子循之誘玄以入蜀至於枚回州益州督護馮遷斬玄首傳于京師天子反正詔進位侍中都督中外諸軍事高祖固讓加錄尚書封豫章郡公邑萬戶給三萬匹鮮卑慕容德僭號於青州德死從子超襲僞位公抗表北討屠廣固超踰城走獲之戮其王公以下約口萬餘馬二千匹夷其城隍獻超于京師斬于建康市盧循寇南康盧陵豫章諸郡守皆委任奔走馳使徵公公至下邳留船運輜重自帥精銳步歸孟祖諸葛長民懼寇之深也欲擁天子過江公弗聽祖窮窘無餘圖飲藥而卒羣賊大至公悉出輕利帝躬提幡鼓命軍衆齊力擊之賊衆大敗追奔逮夜乃收兵而歸循等還潯陽公更簡練三軍將進攻討



循聞大軍至欲遁還豫章乃悉力柵斷左里丙申大軍至左里將戰公麾以進兵幡竿折遂沉于水衆皆失色公自忻笑曰往年覆舟之戰亦幡竿折今復然賊必破矣衆乃大悅即攻柵並進循兵雖死戰猶弗能禁諸軍乘勝擊之循單舸走劉蕃孟懷玉斬徐道覆于始興傳首京師交州刺史杜慧度斬廬循父子函匕首送都劉毅爲荊州刺史矜功驕縱公表請討之毅單騎出自隘道側分遣諸軍伐蜀以朱齡石爲益州刺史公授以謀略遂平成都斬僞蜀主譙縱荊州刺史司馬休之潛結雍州刺史魯宗之宗之得書響應公帥衆軍西討休之不敢戰乃弃城走奔羌羌僞主姚興死子泓新立人情騷擾公乃抗表北伐諸軍入關及姚泓戰大破之泓肉袒稽首公至長安長安豐稔帑藏盈積□□數千人公先收彝器渾儀土圭之屬獻于京

師其餘珍寶珠玉悉以班諸將士執姚泓歸之有司斬于建康市公至洛陽常有紫雲見於軍上晉帝乃命有司禪位于王改元熙二年爲永初元年三年正月崩于西陵年六十

沈約宋書曰高祖諱裕字德輿漢楚元王交之後也小字寄奴初高祖家貧嘗負才達社錢三萬經時無以還達執錄甚嚴王謚造達見之乃密以錢代還由是得釋高祖名微位薄盛流皆不與相知唯謚交焉桓玄將篡謚手解安帝璽紱爲玄佐命功臣及義旗事建衆並謂謚宜誅唯高祖保提之上清簡寡欲嚴整有法度不視珠玉輿馬之飾後庭無絲竹之音寧州嘗獻虎魄枕光色甚麗時將北征以虎魄治金瘡上大悅命擣碎分付諸將平關中得姚興從女有盛寵以之廢事謝晦諫即時遣出錢帛皆付外府



太平御覽 卷一百一十八 四  
內無私藏宋臺建有司奏東西堂施局脚牀銀塗釘上不許使用直脚牀釘用鐵孝武帝大明中壞上所居陰室於其處起玉燭殿與羣臣觀之牀頭土鄣壁上掛葛燈籠麻繩紉侍中表覬盛稱上儉素之德故能光有天下克成大業者焉

宋書高祖遊京口竹林寺獨卧講堂前上有五色龍章衆僧見之驚以白帝帝獨喜曰上人無妄言也

述異記曰宋高祖微時嘗遊會稽過孔靜宅正晝卧有神人衣服非常謂之曰起天子在門既而失之靜遽出適與帝遇延入結交贈遺臨別執帝手曰卿後必當大貴願以身嗣爲託帝許之及定京邑靜自山陰令擢爲會稽內史

### 劉義符

徐爰宋書曰少帝諱義符高祖長子也高祖崩五月卽皇

帝位廬陵王義貞明雋秀令朝野屬望而司空徐羨之尙書僕射傅亮領軍謝晦等貪弄朝權忌憚乃共誣罔成構其釁是日上疏收義貞徙于新安郡徐羨之王弘傅亮謝晦檀道濟等守門露仗入殿時上在華林園寢舟中兵士競進殺侍御者二人遂扶上出東閣廢爲滎陽王一依漢昌邑晉海西故事遂徙于吳郡六月徐羨之等使邢安太殺滎陽王於金昌亭年十九

沈約宋書曰羨之等將謀廢立而廬陵王義貞輕動多過不任主四海乃先廢義貞然後廢帝侍中程道惠勸立第五皇弟義恭羨之不許遣使殺貞於新安殺帝於吳縣帝突走出門追者以門關擊之倒地然後加害

### 劉義隆

沈約宋書曰太祖文皇帝諱義隆小字車兒武帝第三子



也授西中郎將荊州刺史長七尺五寸博涉經史善隸書少帝廢百官備法駕奉迎卽皇帝位改元嘉元年三年司徒錄尚書令楊州刺史徐羨之尚書令護軍將軍傅亮有罪伏誅遣中領軍到彥之征北將軍檀道濟討荊州刺史謝晦上親帥六師擒晦於延頭送京師伏誅京師疾疫遣使存問給醫藥死者若無家屬賜以棺木十二年大水京邑乘船二十四年貨貴制大錢一當兩三十年三月遇弒于含光殿年四十七

劉劭

沉約宋書曰劉劭字休遠文帝長子六歲拜爲皇太子二十七年有巫嚴道育自言通靈夫爲劫沒入奚官劭姊東陽公主應閣婢王鸚鵡白公主云道育有異術主乃白上求入道育自言服食主及劭皆惑之始與王濬與劭並多

過失使道育祈請令不上達遂爲誣蠱事泄道育叛亡變服爲尼逃東宮濬往京口復載將去三十年二月濬自京口入朝復載還東宮有上告云京口有一尼服食出入征北內似是嚴道士上使掩捉得二婢云道育隨濬還都上乃使京口送道育二婢頃至檢覆廢劭賜濬死母潘妃具以告濬濬馳報劭劭因是有異謀其月二十一日召前中庶子蕭斌告以逆事明且與斌同載從萬春門入張超之手行弒逆又使人殺潘淑妃濬屯中堂劭卽位改元嘉三十年爲太初元年世祖及南譙王義宣隨王誕並舉義兵劭以軍事委王羅漢魯秀以拒義軍三月十九日義軍至新林二十一日至新亭二十二日劭衆連敗相繼散降四月四日義軍薛安都等並入殿臧質從廣莫門入同會大極前殿劭穿西垣入武庫井中卽從井中牽出縛劭於馬



上防送軍門斬于牙下濬劭及四子並梟首曝屍於市投  
劭濬屍于江張超之爲亂兵所殺割腹刳心嚮食其肉焚  
其頭骨道育鸚鵡並都街鞭殺於石頭西望山下焚屍揚  
灰于江後史□□劭爲元凶

劉駿

沈約宋書曰世祖孝武皇帝諱駿字休龍小字道民文帝  
第三子遷南中郎將江州刺史元凶弒逆以爲征南將軍  
加散騎常侍上帥衆入討荊州刺史南譙王義宣雍州刺  
史臧質並舉義兵元嘉三十年四月上至于新亭卽皇帝  
位五月尅京城孝建元年春親祠南郊改元大赦詔凡諸  
守莅親民之官可申詳舊條勸盡地利力田善蓄者具以  
名聞更鑄四銖錢立皇子子業爲太子賜爲父後者爵一  
級大明元年正月大赦改元四月京師疾疫遣使案行賜

給醫藥死而無收斂者官爲斂埋諸王及妃主庶姓位從  
公者喪事聽設凶門餘悉斷司空南州刺史竟陵王誕有  
罪貶爵誕不受命據廣陵反上親御六師車駕出頓宣武  
堂三年七月尅廣陵城斬誕初立馳道自閭闔門至朱雀  
門又自承明門至於玄武湖七年於博望山立雙闕八年  
閏五月帝崩於玉燭殿年三十五  
沈約宋書曰世祖遊幸無度太后六宮常乘副車在後沈  
懷文與王景文每諫不宜數出後同從坐松樹下風雨甚  
驟景文曰卿可以言矣懷文曰獨言無係宜相與諫之江  
智淵卧草側亦謂言之爲善俄而被召俱入雉場懷文曰  
風雨如此非聖躬所宜冒景文又曰懷文所啓宜從智淵  
未及有言上乃注弩作色曰卿欲效顏峻耶何以恒知人  
事又曰顏峻小子恨不得鞭其面目



劉子業

沉約宋書曰前廢帝諱子業小字法師孝武帝長子也世祖入伐元凶被囚於侍中下省將見害者數矣卒得無恙世祖崩其日太子卽皇帝位罷南北二馳道孝建以來所改制度還依元嘉是歲諸郡大旱甚者米一斗數百京邑亦至百餘永光元年春改元大赦八月帝自率宿衛兵誅太宰江夏王義恭尚書令驃騎大將軍柳元景尚書左僕射顏師伯廷尉劉德願改元爲景和元年以宮人謝氏爲貴嬪夫人加虎賁鞞戟鸞輅龍旗出警入蹕時帝凶悖日甚誅殺相繼內外百司不保首領先訛言湘中出天子帝將南巡荆湘二州以厭之先欲誅除諸叔然後發太宗與左右阮佃夫王道隆李道兒密結帝左右壽寂之姜產之等十一人謀共廢帝戊午夜帝於華林園竹林堂射鬼時

巫云見此堂有鬼故帝自射之壽寂之懷刀入姜產之爲副帝欲走寂之追而殞之時年十七帝幼而猜急在東宮每爲世祖所責世祖西巡子業啓參起居書跡不謹上讓之子業啓事陳謝上荅曰書不長進此是一條耳聞汝素業都懈猶戾日甚何以頑固爾耶帝少好讀書頗識古事自造世祖誅及雜篇章往往有辭彩  
沉約宋書曰前廢帝景和末召南平王鑠妃江氏入宮使左右於前逼迫之江氏不受命謂之日若不從當殺汝三子江氏猶不肯於是遣使於第殺敬猷敬淵等杖江氏一百其夕廢帝亦殞

劉彧

沈約宋書曰太宗明皇帝諱彧字休炳小字榮期文帝第十一子也爲雍州刺史景和末上入朝被留停廢帝誅害



宰輔殺戮大臣恒慮有圖之者疑畏諸父並拘之殿內收  
上付廷尉一宿被原將加禍害者前後非一既而害上意  
定明旦便應就禍害上先與腹心阮佃夫李道兒壽寂之  
等密共合謀殞廢帝於後堂建安王休仁便稱臣引升西  
堂御坐定見諸大臣于時事出倉卒上失履跌至西堂猶  
著烏帽坐定休仁呼主衣以白帽代之引備羽儀雖未卽  
位凡衆事悉稱令書施行上卽皇帝位大赦天下改景和  
元年爲太始元年鎮軍將軍江州刺史晉安王子勛舉兵  
反鎮軍長史鄧琬爲其謀主雍州刺史表顛帥衆赴之車  
駕親御六師出頓中興堂司徒建安王休仁帥衆軍大破  
賊斬僞尚書僕射表顛進討江郢荆雍相五州平定之晉  
安王子勛並賜死同黨皆伏誅太豫元年四月上大漸表  
祭褚淵劉劭蔡興宗沉攸之同被顧命上崩于景福殿年

四十四帝少而和令風姿端雅早失所生養於路太后房  
內大明世諸弟多被猜忌唯上見親常侍路太后醫藥好  
讀書愛文義在藩時撰江左以來文章志又續衛瓘所注  
論語二卷行世及卽大位四方反叛以寬仁待物諸將帥  
有父兄子弟同逆者並授以禁兵委任不異故衆爲之用  
莫不盡力平定天下逆黨多被全宥其才能者並見授用  
有如舊臣才學之士多蒙引進參侍典籍應對左右於華  
林園苑堂講周易常自臨聽末年好鬼神多忌諱近讒慝  
剪落皇枝宋氏之業自此衰矣  
沈約宋書曰王景文爲楊州刺史上既有疾而諸弟並已  
見殺唯桂楊王休範人才本下不見疑出爲江州刺史慮  
一旦晏駕皇后臨朝景文自然成宰相門族強盛籍元舅  
之重歲暮不爲純臣太豫元年春上疾篤乃遣使送藥賜



景文死手詔曰與卿周旋欲全卿門戶故有此處分

劉昱

沈約宋書曰廢帝諱昱字德融小字慧震明帝長子也太宗諸子在孕皆以周易筮之卽以所得之卦爲小字故帝字慧震立爲皇太子太宗崩太子卽位元徽元年正月改元二年太尉江州刺史桂楊王休範舉兵反賊奄至攻新亭壘齊王拒擊大破之越騎校尉張苟兒斬休範五年七月戊子夜帝殞於仁壽殿初帝在東宮年五六歲時始就書學而墮業好嬉戲主帥不能禁好緣漆帳竿去地二丈餘如此者半食乃下年漸長喜怒無節左右有失旨者輒手加撲打徒跣蹲踞以此爲常主帥以白太宗上輒敕昱所生嚴加捶訓及嗣位內畏太后外憚諸臣猶未得肆志自加元服變態轉興內外稍無以制三年秋冬閒便好出

遊行太妃每乘青篾車隨相檢攝漸自放恣太后不復能禁單將左右棄部伍或十里二十里或入市里或往營署旦出日暮乃歸四年春夏此行弥數自京賊尅定意志轉驕於是無日不出與左右人解僧智張五鬼恒自馳逐夜出承明門夕去晨反旦去暮歸從者並執鋌矛行人男女及馬驢值無免者民間憂懼晝日不敢開門道上行人殆絕常着小袴未嘗服衣冠有白梃數十枚各有名號鉗鑿錐鋸之徒不離左右嘗以鐵錐錐人陰破左右人見斂眉者昱大怒令此人袒臂正立以矛刺臂洞骨於耀靈殿上養驢數十頭所自乘馬養於御牀側先是民間訛言謂太宗不男昱是李道兒子昱每出入去來常自稱劉統或自號李將軍與右衛翼輦營女子私通每從之遊持百數十錢供酒肉之費輅車一乘其上施蓬萊以出入從者不過



數十人羽儀追之恒不及又各慮禍亦不敢追尋唯整部  
伍別在一處瞻望而已凡諸鄙事過目卽能鍛金銀裁衣  
作帽莫不精絕未嘗吹篴執管便韻天性好殺以此爲忻  
一日無事慘慘不樂齊王潛圖廢立與直閣將軍王劭則  
謀之七月七日昱乘露車從二百許人無復鹵簿羽儀住  
青園尼寺曉至新安寺就曇渡道人飲酒醉夕扶還仁壽  
殿東阿瓊幄中卧時昱出入無恒省內諸閣夜皆不閉且  
廂下畏相逢值無敢出者宿衛竝逃避內外無禁攝王劭  
則先結昱左右楊萬年等二十五人謀共取昱其夕王劭  
則出外王夫見昱醉熟無所知乃與萬年同入瓊幄內以  
昱防身刀斬之提昱首依常行法稱敕開承明門出以首  
與劭則馳至領軍府以首付齊王齊王乃戎服率左右數  
十人稱行還開承明門入昱他夕每開門門者震懼不敢

至是弗之疑齊王旣入曉乃奉太后令奉迎安成王

劉準

沈約宋書曰順皇帝諱準字仲謨小字智觀明皇帝第三  
子也封安成王廢帝殞奉迎王入居朝堂壬辰卽皇帝位  
昇明元年改元大赦齊王出鎮東城輔政作相三年加相  
國愨百揆備九錫之禮四月禪位于齊王壬辰帝遜于東  
邸旣而遷居丹陽宮封爲汝陰王殂于丹陽謚曰順皇帝  
時年十三史臣曰聖王膺錄自非接亂承徵則天曆不至  
也自三五以來受命之主莫不乘淪亡之極然後符樂推  
之運水德遷謝其來久矣豈止於區區汝陰揖讓而已哉



太平御覽卷第一百二十八

太平御覽卷第一百二十八  
蕭子顯齊書曰太祖高皇帝諱道成字紹伯小字鬪將漢  
相何二十四世孫也何孫侍中彪免官居東海蘭陵郡於  
是為蘭陵人太祖以元嘉四年丁卯歲生龍穎鍾聲麟文  
遍體儒士雷次宗立學雞籠山年十三受業治禮記及左  
氏春秋襲爵晉興男江夏王大司馬參軍員外侍郎直閣  
中書舍人右軍將軍潯陽王子房反加輔國將軍帥眾東  
討一日破十二壘轉冠軍將軍持節北討諸軍事鎮淮陰

太平御覽卷第一百二十九

偏霸部十三

南齊蕭道成

蕭贖

蕭昭業

蕭昭文

蕭鸞

蕭寶卷

蕭寶融

蕭道成

蕭子顯齊書曰太祖高皇帝諱道成字紹伯小字鬪將漢  
相何二十四世孫也何孫侍中彪免官居東海蘭陵郡於  
是為蘭陵人太祖以元嘉四年丁卯歲生龍穎鍾聲麟文  
遍體儒士雷次宗立學雞籠山年十三受業治禮記及左  
氏春秋襲爵晉興男江夏王大司馬參軍員外侍郎直閣  
中書舍人右軍將軍潯陽王子房反加輔國將軍帥眾東  
討一日破十二壘轉冠軍將軍持節北討諸軍事鎮淮陰



徵還遷督徐兗二州軍事南兗州刺史明帝常嫌太祖非人臣相民間流言云蕭道成當爲天子帝逾以爲疑遣鎮軍將軍吳喜以三千人北使令喜留軍破釜自將銀壺酒封賜太祖戎服出門迎卽酌飲之喜還帝意乃悅七年徵還京師部下勸勿就徵太祖曰諸卿闇於見事主上誅諸弟太子稚弱作萬歲後計何關他族唯應速發事緩必見疑今骨肉相害自非靈長之運禍難將興方與卿等戮力乃還京拜散騎常侍太子右衛率時世祖以功當別封贛縣太祖以一門二封固辭不受詔許之加二百戶明帝崩遺詔爲右衛將軍領衛尉加兵五百人與尚書令袁粲護軍褚淵領軍劉劭共掌機事加侍中江州刺史桂楊王休範反出頓新亭以拒之加使持節平南將軍給鼓吹一部治新亭城壘未畢賊前軍已至太祖方解衣高卧以安衆

心索白虎幡登西垣使寧朔將軍高道慶羽林監陳顯達員外郎王劼則浮舸與賊水戰自新林至赤岸大破之賊平振旅凱入百姓緣道聚觀曰全國者此公也遷散騎常侍中領軍都督二兗徐青冀五州鎮東將軍南兗州刺史進爵爲公增邑二千戶與袁粲褚淵劉劭更日入直號爲四貴四年加尚書左僕射威名旣重蒼梧王深相猜忌幾加大禍陳太妃罵之曰蕭道成有功於國今若害之後誰復爲汝著力者乃止楊玉夫等殺蒼梧王迎立順帝太祖移鎮東府進侍中司空錄尚書事封竟陵郡公進太尉十六州諸軍事自大明太始已來相承奢侈百姓成俗太祖輔政罷御府省尙方諸飭玩至是又上表禁人閒華僞雜物不得以金銀爲薄馬乘具不得作金銀度不得作織成繡裙衣道路不得著錦履不得用紅色爲幡蓋衣服不得



剪綵帛爲雜花不得以綾爲飭不得以鹿行錦及局腳檉  
柏牙牀箱籠雜物彩帛作屏障絺薦席不得私作器仗不  
得以七寶飾樂器不得以金銀爲花獸不得輒鑄金銀爲  
像又進假黃鉞都督中外諸軍事太傅領揚州牧劔履上  
殿入朝不趨贊拜不名署左右長史司馬從事中郎掾屬  
各四人大尉錄尚書事南徐州如故三月進相國摠百揆  
封十郡爲齊公備九錫之禮加璽紱遠遊冠位在諸侯王  
上四月進爵爲王又命冕十有二旒建天子旌旗出警入  
蹕樂舞八佾辛卯宋使兼太保淵兼太尉僧虔奉璽紱禪  
位建元元年四月甲午卽位於南郊柴燎告天昇壇受禪  
禮畢卽建康宮大赦改昇明三年爲建元元年封宋帝爲  
汝陰王五月汝陰王薨追謚爲宋順帝四年三月庚申有  
疾召司徒褚淵左僕射王儉曰吾遘疾弥留至于危篤公

等奉太子如事吾當令太子敦睦親戚委任賢才崇尚節  
儉弘宣簡惠則天下之理盡矣壬戌崩于臨光殿年五十  
六謚曰太祖高皇帝上少有大量博涉經史善屬文雖經  
綸夷險不廢素業後宮器物欄檻以銅爲飾者改用鐵內  
殿施黃紗帳宮人著紫皮履欲以身率下移風變俗每日  
使我治國十年當使金土同價四月庚寅葬武進大陵

蕭曠

蕭子顯齊書曰世祖武皇帝諱曠字宣遠太祖長子也小  
諱龍兒生於建康清溪宅其夜陳孝后劉昭后同夢龍據  
屋上故以字上初爲潯陽國侍郎辟西曹書佐出爲贛令  
尚書庫部桂楊王休範反上遣軍襲潯陽事平除晉熙王  
諮議遷司徒右長史黃門郎散騎常侍江州刺史徵拜侍  
中領軍將軍給鼓吹一部又加持節都督京畿諸軍事僕



射中軍大將軍開府儀同三司進爵爲公給班劍二十人  
齊國建爲世子加侍中南豫州刺史給油絡車羽葆鼓吹  
以石頭爲世子宮置二率坊省服章一如東宮進爲太子  
及太祖卽位爲皇太子太祖崩上卽位乙丑稱先帝遺詔  
以司徒褚淵錄尚書左僕射王儉爲尚書令丙申立皇太  
妃王氏永明元年正月辛亥南郊大赦改元四年正月辛  
亥籍田禮畢甲寅幸闕武堂勞酒小會十一年正月皇太  
子長懋薨甲午立太孫昭業爲皇太孫七月上不豫徙居  
迎昌殿始登階而屋鳴咤甚惡之戊寅大漸詔曰始終大  
期聖賢不免吾行年六十亦復何恨但皇業艱難萬機事  
重不能無遺慮耳太孫進德日茂社稷有寄于良善相毗  
輔思弘治道百辟庶僚各奉爾職謹事太孫勿有懈怠知  
復何言又詔曰我識滅之後身上着夏衣畫天下衣純烏

犀導路器服悉不得用寶物及織成常所服身刀長短二  
口鐵環者隨我入梓宮靈上勿以牲牢爲祭祭唯設麩茶  
飲干飯酒脯而已喪禮每存省約不須煩民百官停六時  
入臨又顯陽殿玉像諸佛及供養具如別陳可盡心禮拜  
供養自今公私皆不得出家爲道及起立塔寺以宅爲精  
舍並嚴斷之唯年六十必有道心者聽朝賢選序己有別  
詔是日崩年五十四九月丙寅葬景安陵帝剛毅有斷爲  
治總大體以富國爲先頗不喜遊宴彫綺之事言常恨之  
未能頓遣詔凡諸遊費宜從休息自今遠近薦獻務存節  
儉珠玉玩好傷工尤重嚴加禁絕

### 蕭昭業

蕭子顯齊書曰鬱林王昭業字元尚小名法身文惠太子  
長子也世祖卽位封南郡王文惠太子薨立爲皇太孫卽



位追尊文惠太子爲世宗文皇帝隆昌元年正月大赦改元加太傅晉陵王子良殊禮閏月丁卯以鎮軍大將軍西昌侯鸞卽本號開府儀同三司七月癸巳太后令嗣主特鍾沴氣爰表弱齡自入纂鴻業長惡滋甚居喪無一日之哀衰絰爲祈宴之服昏酣長夜萬機斯壅社稷危殆有過綴旒鎮軍居正體道家國是賴伊霍之舉實寄淵謨便可依舊典以禮廢黜中軍新安王體自文皇叡哲天秀宜入嗣洪業永寧四海卽以禮奉迎昭業少美容止好隸書世祖敕皇孫手書不得妄出以貴重之進對音吐甚有令譽王侯五日一問訊世祖獨呼昭業至幄座別加撫問呼爲法身重愛甚文惠太子崩昭業每臨哭輒號咷不自勝俄爾還內歡笑極樂在世祖喪泣音入後宮常列故伎二部夾閣迎奏爲南郡王時文惠太子禁其起居節其用度昭

業謂豫章王妃庾氏曰阿婆佛法言有福德生帝王家今日見作天子便是大罪左右主師勸見拘執不如作市邊屠沽鬻兒百倍矣及卽位極意賞賜動百數千萬每見錢曰昔時思汝一箇不得今用汝未暮年之間所出諸庫儲錢數億垂盡開主衣庫與不逞群小又給闈人豎子各數人隨其所欲恣意輦取諸寶器以相剖擊破碎之以爲笑樂好鬪鷄密買雞至數千價世祖御物甘草杖宮人寸斷用之毀世祖招婉殿以材賜闈人徐龍駒爲齋龍駒尤親幸爲後閣舍人日夜在宮房內昭業與文帝幸姬霍氏淫通龍駒勸長留內聲言度霍氏爲尼以餘人代之皇后亦淫亂齋閣通夜洞開內外淆雜無復分別壬辰使蕭鸞等率兵自尙書入雲龍門戎服加朱衣於上帝在壽昌殿聞外有變使閉內殿諸闈人登興光樓望報云見一人戎服



從數百人在西鍾下須臾蕭鸞領兵先入帝走向愛姬徐氏房拔劍自刺不中以帛纏出殺之餘黨亦見誅卒時年二十二葬以王禮

蕭昭文

蕭子顯齊書曰海陵恭王昭文字季尚文惠太子第二子也封臨汝公鬱林王卽位改封新安王及鬱林王廢尚書令西昌侯鸞奉帝纂統延興元年七月丁酉卽位以尚書令鎮軍大將軍西昌侯鸞錄尚書事揚州刺史封宣城郡公十月進爲太傅揚州牧加殊禮進爵爲王輔政帝起居皆諮而後行思食蒸魚菜太官令以無錄公命不與辛亥皇太后令曰嗣主幼冲庶政多昧早膺厄疾弗克負荷太傅宣城公宜入承寶命式寧宗祏帝可降封海陵王十一月稱王有疾數遣御師占視乃殞之時年十五謚曰恭王

蕭鸞

蕭子顯齊書曰高宗明皇帝諱鸞字景栖始安貞王道生子也少孤太祖撫育恩過諸子宋世爲安吉令有嚴能之名遷寧朔將軍淮南宣城二郡太守太祖踐祚遷侍中封西昌侯建元二年持節冠軍將軍郢州刺史世祖卽位轉度支尚書侍中領驍騎將軍王子侯舊乘纏帷車高宗獨乘下帷儀從如素士遷中領軍左衛將軍豫州刺史尚書左僕射領右衛將軍武帝遺詔爲侍中尚書令加鎮軍中書監開府儀同三司海陵卽位爲使持節都督揚南徐三州諸軍事揚州刺史鎮東城給兵五千人錄尚書假黃鉞中外都督加殊禮進爵爲王太后令廢海陵王以上入篡大位羣臣三請乃受命建武元年十月癸亥卽皇帝位大赦改元戊子立皇太子寶卷賜天下爲父後者爵一級二



年十月丁卯詔曰軌世去奢事殷哲后訓物以儉理鏡前  
書朕思所以遷淳改俗反古移民可罷東田毀興光樓  
敕水衡量省御乘永太元年四月甲寅改元大赦五月以  
太子中庶子梁玉爲雍州刺史己酉崩于正福殿年四十  
七帝明審有吏才持法無所借大存儉約罷世祖所起新  
林苑以地還百姓廢文帝所起太子東田賣之永明中輿  
輦舟乘剔去金銀還主衣庫太官進食有裹蒸帝曰可四  
片破之餘充晚食世祖掖庭中宮殿服御一無所改

蕭寶卷

蕭子顯齊書曰東昏侯諱寶卷字智藏高宗第二子建武  
元年立爲皇太子高宗崩太子卽位永元元年正月大赦  
改元辛卯祀南郊詔三品清官以上應食祿者有二親或  
祖父母年登七十並給見錢二千貫二年八月甲申夜宮

內失火十二月雍州刺史梁王起義兵於襄陽三年正月  
丙申合朔事畢以宮人於闕武堂元會皇后正位帝戎服  
臨視三月南康王寶融卽皇帝位於江陵以太子左率李  
居士惣督西討諸軍事屯新亭九月義軍至南州輔國將  
軍申胄軍二萬人於姑熟奔歸丙辰李居士與義軍戰于  
新亭敗績十月冀青二州刺史栢和入衛屯東宮己卯以  
衆降光祿大夫張瓌先守石頭弃城奔還於是閉宮城自  
守李居士以新亭降義軍築長圍守宮城十二月王珍國  
侍中張稷等帥兵入殿廢帝帝在東宮便好弄不喜書學  
及卽位性重澁少言不與朝士接唯親信闔人日夜於後  
堂戲馬五更方卧至晡乃起漸出遊走屏逐居民從萬春  
門由東宮以東至於郊外數十百里皆空家靜室巷陌懸  
幔爲高障置伏防守謂之屏除夜出晨反火光照天拜愛



姬潘氏爲貴妃仍以金蓮帖地使妃行於其上曰此步步生蓮花耶每出妃乘卧輿帝騎馬從後着織成袴褶金簿帽執七寶纏靴戎服急裝不變寒暑凌冒雨雪不避坑阱馳騁渴乏輒下馬解取腰邊蠶器酌水飲之復上馬馳去選無賴小兒善走者爲逐馬左右百人常以自隨置射雉場二百九十六處翳中惟帳及步障皆袷緣以紅錦金銀鏤弩牙瑇瑁帖箭郊郭四民樵蘇路絕吉凶失時輦疾弃屍不得殯葬後宮遭火之後更起仙華神仙玉壽諸殿刻畫彫彩麝香塗壁錦幔珠簾窮極綺麗又信鬼神崔惠景事時蔣子文神爲假黃鉞使持節相國太宰大將軍揚州牧鍾山王以至尊爲皇帝迎神像及諸廟雜神皆入後宮禱祀祈福及聞兵入趨出戶闔人黃大刀傷其膝仆地曰奴反耶直後張齊斬首送梁王稱宣德皇后令依漢海昏

侯故事追封東昏侯

唐秘書監虞世南公子先生論云公子曰宋齊二代廢主有五並驕淫狂暴前後如一或身被殺戮或傾墜宗社豈厥性頑兇自貽非命將天之所弃用傾代業者乎先生曰夫木之性直匠者揉以爲輪金之性剛工人理以成器豈人事也唯上智下愚特稟異氣中庸之才全由訓習自宋齊已來東宮師傅備員而已貴賤禮隔規獻無由且多位昇罕由德進善乎哉賈生之言昔者成王幼在襁褓之中召公爲太保周公爲太傅太公爲太師保則保其身體傅則傅以德義師則導之教訓此三公之職也又置三少曰少保少傅少師是與太子宴者也故乃孩提有職三公三少因明孝仁義禮以導習之逐去邪人不使見惡行選天下之儒士孝悌博聞有道術者以翼衛之使與太子居



處故太子生乃見正事聞正言行正道左右前後皆正人也習與正人居不能無正猶生長齊地不能不齊言習與不正人居猶生長楚地不能不楚言也秦使趙高傳胡亥教之獄訟所習者非斬劓人則夷人之三族也故胡亥今日卽位明日射人有忠諫者謂之誹謗深計者爲之妖言視殺人如刈草菅然豈胡亥之性惡哉彼其導之者非其理也故選左右裨教之最急此五君者稟凡庸之性無周召之師遠益友之箴規狎不逞之近習以斯下質生而楚言覆國亡身理數然也

蕭寶融

蕭子顯齊書曰和帝諱寶融字智昭高宗第八子建武元年封隨郡王永元元年改封南康王出爲荆揚寧益梁南北秦七州諸軍事西平郎將荊州刺史蕭穎胄殺巴西梓

潼二郡太守劉山陽奉王舉兵以雍州刺史蕭衍爲使持節都督諸軍事左將軍以蕭穎胄爲右將軍督行諸軍事夏侯亶自京師至江陵稱宣德太后令南康王宜篡承國祚光臨億兆方侯清宮未卽大號可且封十郡爲宣城王加相國荊州牧又加黃鉞蕭穎胄爲左長史進號鎮軍蕭衍進號征東將軍己巳群僚上尊號中興元年正月乙巳卽皇帝位大赦改元以相國左長史蕭穎胄爲尚書令冠軍將軍蕭衍爲雍州刺史十二月建康平皇太后令以蕭衍爲大司馬錄尚書事驃騎大將軍揚州刺史封建安郡公依晉武陵王遵承制故事百僚致敬二年正月皇太后臨朝入居內殿以大司馬蕭衍爲都督中外諸軍事加殊禮進位相國摠百揆揚州牧封十郡爲梁公備九錫之禮加遠遊冠位在諸王上二月進梁公爵爲王增封十郡建



天子旂旗出警入蹕三月景辰遜位于梁丁卯梁奉帝為  
巴陵王徙姑熟戊辰薨年十五追為和帝葬恭陵  
史臣曰夏以桀亡殷因紂滅郊天改朔理無延世而皇符  
所集重興西楚神器斲來雖有冥數徽名大號斯為幸矣

太平御覽卷第一百二十九

太平御覽卷第一百三十

偏霸部十四

北齊高歡

高歡

高澄

高洋

北齊書曰高祖神武皇帝姓高氏諱歡字賀六渾渤海菑  
人也六世祖隱晉玄菟太守皇考樹性通率不事家業住  
居白道南數有赤光紫氣之異隣人以為怪勸徙居以避  
之皇考曰安知非吉居之自若及神武生而皇妣韓氏殂  
養於同產姊壻鎮獄隊尉景家神武既累世北邊故習其  
俗遂同鮮卑長而深沈有大度輕財重士為豪俠所宗目  
有精光長頭高顴齒白如玉少有人傑表家貧及媻武明  
皇后始有馬得給鎮為隊主鎮將遼西段長常奇神武貌  
謂曰君有康濟之才終不徒然便以子孫為託神武自隊



主轉爲函使嘗乘驛過建興雲霧晝晦雷聲隨之半日乃絕若有神應者每行道路往來無風塵之色又嘗夢履衆星而行覺而內喜爲函使六年每至洛陽給令史麻祥使祥嘗以肉啗神武神武性不立食坐而進之祥以爲慢已答神武四十及自洛陽還傾產以結客親故恠問之荅曰吾至洛陽宿衛羽林相率焚領軍張彝宅朝廷懼其亂而不問爲政若此事可知也財物豈可常守耶自是乃有澄清天下之志與懷朔省事雲中司馬子如及秀容人劉貴中山人賈顯智爲奔走之友懷朔戶曹史孫騰外兵史侯景亦相交結孝昌元年歸爾朱榮於秀容先是劉貴事榮盛言神武美至是始得見以憔悴故未之奇也貴乃爲神武更衣復求見焉因隨榮之廐廐有惡馬榮命剪之神武乃不加羈絆而剪竟不蹄齧已而起曰御惡人亦如此馬

矣榮遂坐神武於床下屏左右而訪時事神武曰聞公有馬十二谷色別爲群將此畜何用也榮曰但言爾意神武曰方今天子愚弱太后淫亂孽寵擅命朝政不行以明公雄武乘時奮發討鄭儼徐紇而清帝側霸業可舉鞭而成此賀六渾之意也榮大悅語自日中至夜半乃出自是每參軍謀旣而榮以神武爲親信都督于時魏明帝銜鄭儼徐紇逼靈太后未敢制私使榮舉兵內向榮以神武爲前鋒至上黨明帝又私詔停之及帝暴崩榮遂入洛因將篡位神武諫恐不聽請鑄像卜之鑄不成乃止孝莊帝立以定策勳封銅鞮伯榮嘗問左右曰一日無我誰可主軍皆稱爾朱兆榮曰此正可統三千騎以還堪代我主衆者唯賀六渾耳因誡兆曰爾非其匹終當爲其子穿鼻乃以神武爲晉州刺史於是大聚斂因劉貴貨榮下要人盡得其



意州庫角無故自鳴神武異之無幾而孝莊誅榮及爾朱兆自晉陽將舉兵赴洛召神武使長史孫騰辭以絳蜀汾胡欲反不可委去兆恨焉騰復命神武曰兆舉兵犯上此大賊也吾不能久事之自是始有圖兆計及兆入洛執莊帝以北神武聞之大驚又使孫騰僞賀兆因密覘孝莊所在將劫以舉義不果乃以書喻之言不宜執天子以受惡名於海內兆不納殺帝而與爾朱世隆等立長廣王曄改元建明封神武爲平陽郡公魏普泰元年二月神武自領軍次信都高乾封隆之開門以待遂據冀州是月爾朱度律廢元曄而立節閔帝欲羈縻神武三月乃白節閔帝封神武爲渤海王徵使人覲神武辭四月癸巳又加授東道大行臺第一鎮人酋長龐蒼鷹自太原來奔神武以爲行臺郎尋以爲安州刺史神武自向山東養士繕甲禁兵侵

掠百姓歸心乃詐爲書云爾朱兆將以六鎮人配契胡爲部曲衆皆愁怨爲并州符徵兵討步落稽發萬人將遣之孫騰尉景爲請留如此者再神武親送之郊雪涕執別人號慟哭聲動地神武乃喻之曰與爾俱失鄉客義同一家不意在上乃爾徵召直向西已當死後軍期又當死配國人又當死奈何衆曰唯有反耳神武曰反是急計須推一人爲主衆願奉神武神武曰爾鄉里難制不見葛榮乎雖百萬衆無刑法終自灰滅今以吾爲主當與前異不得欺漢兒不得犯軍令生死任吾則可不爾不能爲取笑天下衆皆頓顙死生唯命神武曰若不得已明日椎牛饗士喻以討爾未兆之意封隆之進曰千載一時普天幸甚神武曰討賊大順也拯時大業也吾雖不武以死繼之何敢讓焉六月庚子建義於信都乃抗表罪狀爾朱氏世隆等秘



表不通八月爾朱兆攻陷殷州李元忠來奔孫騰以爲朝廷隔絕不權立天子則衆望無所係十月壬寅奉章武王融子渤海太守郎爲皇帝年號中興是爲廢帝十一月攻鄴相州刺史劉誕嬰城固守神武起土山爲地道往建大柱一時焚之城陷入地永熙元年正月壬午拔鄴城據之廢帝進神武大丞相柱國大將軍太師是時青州建義大都督崔靈珍大都督耿翔皆遣使歸附行汾州事劉貴奔城來降閏二月爾朱天光自長安兆自并州度律自洛陽仲遠自東郡同會鄴衆號二十萬挾洹水而軍節閔以長孫承業爲大行臺總督焉神武令封隆之守鄴自出頓紫陌時馬不滿二千步兵不至三萬衆寡不敵乃於韓陵爲圓陣連牛驢以塞歸道於是將士皆爲死志四面赴擊之爾朱兆責神武以背己神武曰本勦力者共輔王室今帝

何在兆曰永安枉害天柱我報讎耳神武曰我昔日親聞天柱計汝在戶前立豈得言不反耶且以君殺臣何報之有今日義絕矣乃合戰大敗之四月斛斯椿執天光度律以送洛陽長孫承業遣都督賈顯智張勸入洛陽執世隆彥伯斬之兆奔并州仲遠奔梁州遂死焉時兇蠹旣除朝廷慶悅旣而神武至洛陽廢節閔及中興主而立孝武孝武旣卽位授神武大丞相天柱大將軍太師世襲定州刺史增封并前十五萬戶神武辭天柱減戶五萬壬辰還鄴魏帝餞于乾脯山執手而別七月壬寅神武帥師北伐爾朱兆封隆之言侍中斛斯椿賀拔勝賈顯智等往事爾朱普皆反噬今在京師寵任必構禍隙神武深以爲然乃歸天光度律於京師斬之遂自滏口入爾朱兆大掠晉陽北保秀容并州平神武以晉陽四塞乃建大丞相府而定居



焉爾朱兆既至秀容分兵守險出人寇抄神武揚聲討之師出止者數四兆意怠神武揣其歲首當宴會遣竇泰以精騎馳之一日一夜行三百里神武以大軍繼之二年正月竇泰奄至爾朱兆庭軍人因宴休惰忽見泰軍驚走追破之於赤洪嶺兆自縊神武親臨厚葬之慕容紹宗以爾朱榮妻子及餘衆自保焉突城降神武以義故待之甚厚神武之入洛也爾朱仲遠部下都督橋寧張子期自滑臺歸命神武以其助亂且數反覆皆斬之斛斯椿由是內不自安乃與南陵王寶炬及武衛將軍元毗魏光祿王思政搆神武於魏帝帝舍人元士弼又奏神武受敕人不敬於是魏帝與神武隙矣天平元年正月魏帝下詔罪狀神武為北伐經營神武亦勒馬宣告曰孤遇爾朱擅權舉大義於四海奉戴主上義貫幽明橫為斛斯椿讒構以誠節為

逆首昔晉趙鞅與晉陽之甲誅君側惡人今者南邁誅椿而已以高昂為前鋒曰若用司空言豈有今日之舉司馬于如荅神武曰本欲立小者正為此耳魏帝徵兵關右召賀拔勝赴行在所遣大行臺長孫承業大都督潁川王斌之斛斯椿共鎮武牢七月魏帝躬率大衆屯河橋神武至河北十餘里再遣□申誠欵魏帝不報神武乃引軍渡河魏帝問計於羣臣或云南依賀拔勝或云西就關中或云守洛口死戰未決而元斌之與斛斯椿爭權不睦斌之奔椿徑還給帝云神武兵至即日魏帝遜於長安己酉神武入洛陽止於永寧寺八月神武以萬機不可曠廢乃與百僚議以清河王竇為大司馬居尚書下舍而承制決事焉神武尋至弘農遂西尅潼關九月庚寅神武還至洛陽乃遣僧道榮奉表關中又不荅乃集百僚沙門耆老議所推



立以爲自孝昌衰亂國統中絕神主靡依昭穆失次遂議  
立清河王世子善見議定曰清河王王曰天子無父苟使  
兒立不惜餘生乃立之是爲孝靜帝魏於是始分爲二神  
武以孝武旣西恐逼峭陝洛陽復在河外接近梁境如向  
晉陽形勢不能相接議遷鄴護軍祖榮贊焉詔下三日車  
駕便發戶四十萬狼狽就道神武留洛陽部分事畢還晉  
陽自是軍國政務皆歸相府二年正月魏帝褒詔以神武  
爲相國假黃鉞劍履上殿入朝不趨神武固辭四年十一  
月壬辰神武西討自蒲津濟衆二十萬周文軍於沙苑神  
武以地阨少却西人鼓譟而進軍大亂弃器甲十有八萬  
神武跨橐駝候船以歸元象元年三月辛酉神武固請解  
丞相魏帝許之四月庚寅神武朝于鄴壬辰還晉陽興和  
元年七月丁丑魏帝進神武爲相國錄尙書事固讓乃止

十一月神武以新宮成朝於鄴魏帝與神武讌射武定四  
年八月癸巳神武將西伐自鄴會兵晉陽九月神武圍玉  
壁以挑西師不敢應西魏晉州刺史韋孝寬守玉壁頓軍  
五旬城不拔死者七萬人聚爲一冢有星墜於神武營衆  
驢並鳴士皆讐懼神武有疾十一月庚子輿疾班師庚戌  
遣太原公洋鎮鄴辛亥徵世子澄至晉陽有惡鳥集亭樹  
世子使斛律光射殺之己卯神武以無功表解都督中外  
諸軍事魏帝優詔許焉是時西魏言神武中弩神武聞之  
乃勉坐見諸貴使斛律金勅勒歌神武自和之哀感流涕  
侯景素輕世子嘗謂司馬子如曰王在吾不敢有異王無  
吾不能與鮮卑小兒共事子如掩其口至是世子爲神武  
書召景景先與神武約得書書背微點乃來書至無點景  
不至又聞神武疾遂擁兵自固神武謂世子曰我雖疾爾



面更有餘憂色何也世子未對又問曰豈非憂侯景叛耶  
曰然神武曰景專制河南十四年矣常有飛揚跋扈志願  
我能養豈爲汝駕御也今四方未定勿遽發哀庫狄干鮮  
卑老公斛律金勅勒老公並性純逆直終不負汝可朱渾  
道元劉豐生遠來投我必無異心賀拔焉過兒撲實無罪  
過潘相樂和厚汝兄弟當得其力韓軌少戇宜寬借之彭  
樂心腹難得宜防護之少堪敵侯景者唯有慕容紹宗我  
故不貴之留以與汝宜深加殊禮委以經略之事五年正  
月朔日蝕神武曰日蝕其爲我耶死亦何恨景午陳啓於  
魏帝是日崩於晉陽時年五十二祕不發喪天保初追崇  
爲獻武帝廟號太祖

高澄

北齊書曰世祖文襄皇帝諱澄字子惠神武長子也母曰

婁太后生而岐嶷神武異之魏中興元年立爲渤海王世  
子就杜詢講學敏悟過人詢甚歎服二年加侍中開府儀  
同三司尚孝靜帝妹馮翊長公主時年十三神情雋爽便  
若成人神武試問以時事得失辯析無不中理自是軍國  
籌策皆預之天平元年加使持節尚書令大行臺并州刺  
史三年人輔朝政加領軍左右京畿大都督時人雖聞器  
識猶以少年期之而機略嚴明事無疑滯於是朝野振肅  
武定四年十一月神武西討不豫班師文襄馳赴軍所侍  
衛還晉陽五年正月丙午神武崩七月戊戌魏帝詔以文  
襄爲使持節大丞相都督中外諸軍錄尚書事大行臺渤  
海王文襄啓辭願傳王爵壬寅魏帝詔太原公洋攝理軍  
國遣中使敦喻八月戊辰文襄啓申神武遺令請減國邑  
分封將督各有差辛未朝于鄴固辭丞相魏帝詔曰旣朝



野攸憑安危所繫不得令遂本懷須有權奪可復前大將軍餘如故七年五月文襄帥師赴潁川六月尅之獲西魏大將王思政等八月文襄遇盜崩初梁將蘭欽子京見虜文襄以配厨欽求贖之不許京與其黨六人謀作亂時京將進食文襄却之謂人曰昨夜夢此奴殺我又曰急殺却京聞之寘刃於盤下冒言進食文襄怒曰我未索食何遽來京揮刀曰將殺汝文襄自投傷足入床下賊黨至去床遇弒時年二十九追諡文襄皇帝

高洋

北齊書曰顯祖文宣皇帝諱洋字子進高祖第二子世宗之母弟后初孕每夜有赤光照室后私常怪之初高祖之歸爾朱榮時經危亂家徒壁立后與親姻相對共憂寒餒帝時尚朱能言歛然應曰得活太后及左右大驚而不敢

言鱗身重蹠不好戲弄深沉有大度晉陽曾有沙門乍愚乍智時人不測呼爲阿禿師帝曾與諸童共見之歷問祿位至帝舉手再三指天而已口無所言見者異之高祖嘗試觀諸子意識各使治亂絲帝獨抽刀斬之曰亂者須斬高祖是之又各配兵四出而使甲騎僞攻之世宗等怖撓帝乃勒衆與彭樂敵樂免胄言情猶擒之以獻後從世宗行過遼陽山獨見天門開餘人無見者內雖明敏貌若不足世宗每噲之云此人亦得富貴相法亦何由可解唯高祖異之天平二年授驃騎大將軍儀同三司武定元年加侍中五年授尚書令中書監京畿大都督七年八月世宗遇害事出倉卒內外震駭帝神色不變指磨部分自若嚮斬羣賊而漆其頭徐宣言曰奴反大將軍被傷無大苦也當時內外莫不驚異焉乃赴晉陽親摠庶政務從寬厚事



有不便者咸蠲省焉八年正月戊辰魏帝詔進帝位使持節丞相都督中外諸軍錄尚書事大行臺齊郡王食邑一萬戶三月辛酉又進封齊王邑十萬戶自居晉陽寢室夜有光如晝既爲王夢人以筆點已額旦以告館客王曇首曰吾其退乎曇首再拜賀曰王上加點成主字乃當進也夏五月辛亥帝如鄴甲寅進位相國摠百揆加九錫殊禮齊王如故魏帝遣兼太尉彭城王韶奉皇帝璽綬禪位於帝戊午乃卽皇帝位於南郊升壇柴燎告天事畢還宮御太極前殿詔大赦天下改武定八年爲天保元年辛酉尊王太后爲皇太后辛未遣大使於四方觀察風俗問民疾苦嚴勒長吏厲以廉平興利除害務存安靜六月詔吉凶車服制度各爲等差具立條式使儉而獲中又詔冀州之勃海長樂二郡先帝始封之國義旗初起之地并州之太

原青州之齊郡霸業所在王命是基君子有作貴不忘本思申恩洽蠲復田租丁亥詔立王子殷爲皇太子王后李氏爲皇后八月詔曰有能直言正諫不避罪辜審審若朱雲謬誇若周舍開朕意心弼予一人利兼百姓者必當寵以榮祿待以不次又諸牧民之官仰專意農桑勤心勸課廣收天地之利以備水旱之災庚寅詔曰朕以虛寡嗣弘王業思所以贊揚盛績播之萬古雖史官執筆有聞無墜猶恐緒言遺美時或未書在位王公文武大小降及民庶爰至僧徒或親奉音旨或承傳旁說凡可載之文籍悉宜條錄封上冬十月己卯備法駕御金輅入晉陽宮朝皇太后於內殿十一月周文帝率衆至陝城分騎北渡至建州景寅帝親戎出次城東周文帝聞帝軍嚴盛歎曰高歡不死矣遂退明年征契丹帝親踰山嶺爲士卒先露頭袒身



晝夜兼行千餘里唯食肉飲水壯氣彌厲晉大破契丹虜獲千余雜畜數十萬頭嘗於東山遊宴以關隴未平投盃震怒事西伐西人爲之震恐帝素沉敏有遠量初文襄崩祕不發喪其後漸露魏帝竊謂左右曰大將軍此殂似是天意威權當歸王室矣及帝將幸晉陽親入辭謁於昭陽殿從者千人居前持劔者十餘輩帝在殿下數十步立而衛士昇階已二百許皆攘袂扣刃若對嚴敵帝令主者傳奏須詣晉陽言訖再拜而出魏帝失色目送帝曰此人似不能見容吾不知死在何日洎受禪之後留心政術御下蕭清六七年後以天下無事便留連飲宴通日竟夜躬自鼓舞袒露形體傅粉塗黛乘馳牛驢不施鞍勒親戚貴臣雜錯侍從徵集姪嫗分付從官親看無禮以爲戲樂貴妃薛氏甚被愛寵忽憶其嘗與清河王岳私通命支解之弄

其體以爲琵琶嘆曰佳人難再得後又以刀子劃楊愔腹崔季舒託俳優言曰老小公子惡戲因掣刀子而去之又置愔於棺中載以輜車幾下釘者數焉登丁匠三十萬人營三臺於鄴構木高二十七丈兩棟相去二百餘步工匠危怯皆繫繩自防帝登脊疾走無怖畏時復雜舞折旋中節傍人見者莫不寒心帝沉湎日甚婁太后舉杖擊之曰如此父生如此兒帝曰天子母豈不如共墻眠時卽當嫁老母與胡太后大怒自此不復開顏帝免冠辭謝乃設席於地脫背就罰苦請答脚五十因此戒酒一旬還復如初又令元黃頭與諸國自金鳳臺各乘紙鴟以飛黃頭至紫陌乃墮於地凡所殺害或支解或火燒或投水蓋以萬數又誅元氏或父母爲主或身常貴盛皆斬於東市凡七百餘人悉投屍漳水剖魚者多獲爪甲都下爲之久不食魚



七年秋自河西揔秦戍築長城東至於海前後所築東西  
凡三千餘里率十里一戍其要害置州鎮凡二十五所八  
年春帝在城東馬射勅京城婦女悉赴觀不赴者罪以軍  
法七日乃止於長城內築重城自庫洛拔而東至于塢紇  
百餘里先是發丁匠三十餘萬營三臺於鄴下因其舊基  
而高博之大起宮室及遊豫園至是三臺成改銅爵曰金  
鳳金武曰聖應冰井曰崇光十一月甲午帝登三臺御乾  
象殿朝讌群臣並命賦詩以新宮成故也十年春正月甲  
寅帝如遼陽甘露寺二月景戌帝於甘露寺禪居深觀唯  
軍國大政奏聞三月景辰帝至自遼陽十月甲午帝暴崩  
於晉陽宮還京師葬武寧陵諡曰文宣皇帝廟號高祖武  
平初又改廟號顯祖先是帝問泰山道士曰吾得幾年爲  
天子荅曰得三十年帝曰十年十月十日得非三十也吾

甚畏之過此無慮人生有死又何致惜但憐正道尙幼人  
將奪之耳帝及期而崩年三十一

太平御覽卷第一百三十一



太平御覽卷一百三十一

太平御覽卷第一百三十一

偏霸部十五

北齊高殷

高緯

高演

高湛

高殷

北齊書曰廢帝殷字正道文宣帝之長子也母曰李皇后  
 天保元年立為皇太子時年六歲性敏慧初學反語於跡  
 字下注云自反時侍者未達其故太子曰跡字足傍亦為  
 跡豈非自反耶文宣每言太子得漢家性質不似我欲廢  
 之立太原王初詔國子博士李寶鼎傳之鼎卒復詔國子  
 博士邢峙侍講太子雖富於春秋而溫裕開朗有人君之  
 度貫綜經業省覽時政甚有美名七年冬文宣召朝臣文  
 學者及禮學官於東宮宴會令以經義相質親自臨聽太



子手筆措問在坐莫不歎美九年文宣在晉陽太子監國十年十月文宣崩癸卯太子卽帝位於晉陽宣德殿大赦庚戌尊皇太后爲太皇太后皇后爲皇太后乾明元年庚辰春正月癸丑朔改元己未詔寬徭賦癸亥高陽王湜薨車駕至自晉陽戊申以常山王演爲大丞相都督中外諸軍錄尚書事三月甲寅詔軍國事皆申晉陽稟大丞相常山王規竿秋八月太皇太后令廢帝爲濟南王以大丞相常山王演入纂大統是日王居別宮皇建二年九月殂于晉陽時年十七謚閔悼王

高演

北齊書曰孝昭皇帝演字延安神武皇帝第六子文宣皇帝之母弟也幼而英特早有大成之量武明皇太后早所愛重魏元象元年封常山郡公天保初進爵爲王五年除

并省尚書令帝善斷割長於文理省內畏服七年從文宣還鄴以尚書奏事有異同令帝與朝臣先論定得失然後敷奏帝長於政術剖斷咸盡其理文宣歎重之八年轉司空錄尚書事九年除大司馬仍錄尚書文宣崩帝居禁中護喪事幼主卽位乃卽朝班除太傅錄尚書事朝政皆決於帝月餘乃居藩邸自是詔勅多不關帝客或言於帝曰鷲鳥捨巢必有採卵之患今日之地何宜屢出乾明元年從廢帝赴鄴居于領軍府時楊愔燕子獻可朱混天和宋欽道鄭子默等以帝威望旣重內懼逼請以帝爲太師司州牧錄尚書事長廣王湛爲大司馬錄并省尚書事解京畿大都督帝旣以尊親而見猜斥乃與長廣王期獵謀之於野三月甲戌帝初上省且發領軍府大風暴起壞所御車幔甚惡之及至省朝士咸集坐定酒數行於坐執尚書



令楊愔右僕射燕子獻領軍可朱渾天和侍中宋欽道等  
於座帝戎服與平原王段韶平秦王高歸彥領軍劉洪徽  
入自雲龍門於中書省前遇散騎常侍鄭子默又執之同  
斬於御府之內帝至東閣門都督成休寧抽劍呵帝帝令  
高歸彥喻之寧厲聲大呼不從歸彥既爲領軍素爲兵士  
所服悉皆弭伏寧方歎息而罷帝入至昭陽殿幼主太皇  
太后皇太后並出臨御坐帝奏愔等罪求伏專擅之辜時  
庭中及兩廊下衛士二千餘人皆被甲待詔武衛娥永樂  
武力絕倫又被文宣重遇撫刃思效廢帝性吃訥兼倉卒  
不知所言太皇太后又爲皇太后誓言帝無異志唯云逼  
而已高歸彥勅勞衛士解嚴永樂乃內刃而泣帝乃令歸  
彥引侍衛之士向華林園以京畿軍入守門閣斬娥永樂  
於園詔以帝爲大丞相都督中外諸軍錄尚書事相府佐

長史進位一等帝尋如晉陽有詔軍國大政咸諮決焉帝  
既當大位知無不爲擇其令典考綜名實廢帝恭己以聽  
政太皇太后尋下令廢少主命帝統大業皇建元年八月  
壬午皇帝即位於晉陽宣德殿大赦改乾明元年爲皇建  
壬辰詔分遣大使巡省四方觀察風俗問人疾苦考求得  
失搜訪賢良二年十一月甲辰詔曰朕嬰此暴疾奄忽無  
遠今嗣子冲眇未聞政術社稷業重理歸上德右丞相長  
廣王研機測化體道居宗人雄之望海內瞻仰同胞共氣  
家國所憑可遣尚書左僕射趙郡王叡喻旨徵王統茲大  
寶先是帝不豫而無闕聽覽是日崩於晉陽宮時年二十  
七大寧元年閏十二月癸卯梓宮還鄴上謚曰孝昭皇帝  
葬於文靖陵帝聰敏有識度深沉能斷不可窺測身長八  
尺腰帶十圍儀望風表迥然獨秀自居臺省留心政術閑



明簿領吏所不逮及正位宸居彌所尅勵輕徭薄賦勤恤人隱內無私寵外收人物雖后父位亦特進無別日昃臨朝務知人之善惡每訪問左右冀獲直言曾問舍人裴澤在外議論得失澤率爾對曰陛下聰明至公自可遠侔古昔而有識之士咸言傷細帝王之度頗為未弘帝笑曰誠如卿言朕初臨萬機慮不周悉故致爾耳此事度可以行恐又嫌踈漏澤因被寵遇其樂聞過也如此趙郡王叡與庫狄顯安侍坐帝曰須拔我同堂弟顯安我親姑子今序家人禮除君臣之敬可言我之不逮顯安曰陛下多妄言曰若何對曰陛下昔見文宣以馬鞭撻人常以為非而今行之非妄言耶帝握其手謝之又使直言對曰陛下太細天子乃更似吏帝曰朕甚知之然無法來久將整之以至無為耳又問王晞晞答如顯安皆從容受納

高湛

北齊書曰世祖武成皇帝諱湛神武皇帝第九子孝昭皇帝之母弟也儀表瓌傑神武九所鍾愛神武方招懷荒遠乃為帝娉蠕蠕而蠢太子菴烏含羅辰女隣和公主帝時年八歲冠服端嚴神情閑遠華戎歎異元象中封長廣郡公天保初進爵為王拜尚書令尋兼司徒遷太尉乾明初楊愔等密相踈忌以帝為大司馬領并州刺史帝既與孝昭謀誅諸執政遷太傅錄尚書事領京畿大督皇建初進位右丞相孝昭幸晉陽帝以懿親居守鄴政事咸見委託二年孝昭崩遣詔徵帝入統大位及晉陽宮發喪於崇德殿皇太后令所司宣遺詔左丞相斛律金率百僚敦歡進三奏乃許之大寧元年冬十一月癸丑皇帝即位於南宮大赦改皇建二年為大寧庚申詔遣大使巡行天下求



改善惡問人疾苦擢進賢良是歲周武帝保定元年也河清元年春正月乙亥車駕至自晉陽辛巳祀南郊壬午享太廟景戌立妃胡氏爲皇后子緯爲皇太子大赦四月乙巳青州刺史上言今月庚寅河濟清以河濟清改大寧二年爲河清二年癸未春正月乙卯帝詔臨朝堂策試秀才以太子少傅魏收爲兼尚書右僕射十二月大雨雪連月南北千餘里平地數尺霜晝下雨血於太原四年三月彗星見有物隕於殿庭如赤漆鼓帶小鈴殿上石自起兩兩相對又有神見於後園萬壽堂前山穴中其體壯大不辨其面兩齒絕白長出於唇帝直宿嬪御已下七百人咸見焉帝又夢之夏四月戊午大將軍東安王婁叡坐事免乙亥陳人來聘太史奏天文有變其占當有易王景子乃使太宰段韶兼太尉持節奉皇帝璽綬傳位於皇太子大赦

改元爲天統元年百官進級降罪各有差又詔皇太子妃斛律氏爲皇后於是羣公上尊號爲太上皇帝軍國大事咸以奏聞始將傳政使內參乘子尙乘驛送詔書於鄴子尙出晉陽城見人騎馬隨後忽失之尙未至鄴而其言已布矣天統四年十二月辛未太上皇帝崩於鄴宮乾壽堂時年三十二諡曰武成皇帝廟號世祖葬永平陵

後主高緯

北齊書曰後主諱緯字仁綱武成皇帝之長子也母曰胡皇后夢於海上坐玉盆日人裙下遂有娠天保七年五月五日生帝於并州邸帝少美容儀武成特所愛寵拜王世子及武成入纂大業立爲皇太子河清四年武成禪位於帝天統元年乙酉夏四月景子皇帝卽位於晉陽宮大赦改河清四年爲天統三年二月壬寅朔帝加元服大赦四



年秋周人來通和太上皇帝詔侍中斛斯文略報聘于周十二月辛未太上皇帝崩武平三年二月侍中祖珽爲左僕射是月敕撰玄洲苑御覽後改名聖壽堂御覽三月辛酉詔文武官五品以上各舉一人秋七月戊辰誅左丞相咸陽王斛律光及其弟幽州行臺荆山公豐樂八月庚寅廢皇后斛律氏爲庶人是月聖壽堂御覽成敕付史閣後改爲脩文殿御覽六年八月周師入洛川屯芒山攻逼洛城縱火船焚浮橋河橋絕閏月己丑遣右丞相高阿那肱自晉陽禦之師次河陽周師夜遁七年冬十月帝大狩於祁連池周師攻晉州癸亥帝還晉陽甲子出兵大集晉陽庚午帝發晉陽列陣而行上雞栖原與周齊王憲相對至夜不戰周師斂陣而退十一月周武帝退還長安留偏師守晉州阿那肱等圍其城戊寅帝至圍所十二月戊申周

武帝來救晉州庚戌戰于城南齊軍大敗帝奔軍先還癸丑入晉陽憂不知所之甲寅大赦帝謂朝臣曰周師甚盛若何羣臣咸曰天命未改一得一失自古皆然宜停百賦安朝野收遺兵背城死戰以存社稷帝意猶豫欲向北朔州乃留安德王延宗廣寧王孝珩晉等守晉陽若晉陽不守即欲奔突厥群臣皆曰不可帝不從其言開府儀同三司賀拔伏恩輔相慕容鍾葵等與宿衛近臣三十餘人西奔周師乙卯詔募兵遣安德王延宗爲左廣寧王孝珩爲右延宗入見帝告欲向北朔州延宗泣諫不從帝密遣王康德與中人齊紹等送皇太后皇太子於北朔州景辰帝幸城南軍勞將士其夜欲遁諸將不從丁巳大赦改武平七年爲隆化元年其日穆提婆降周詔除安德王延宗爲相國委以備禦延宗流涕受命帝乃夜斬五龍門而出欲



太平御覽 卷一百三十一  
走突厥從官多散領軍梅勝郎叩馬諫乃迴之鄴時唯阿  
那肱等十餘騎廣寧王孝珩襄城王彥道續至得數十人  
同行戊午延宗從衆議卽皇帝位於晉陽改隆化爲德昌  
元年庚申帝入鄴辛酉延宗與周師戰於晉陽大敗爲周  
師所虜帝遣募人重加官賞雖有此言而竟不出物廣寧  
王孝珩奏請出宮人及珍寶班賜將士帝不悅斛律孝卿  
居中受委帶甲以處分請帝親勞軍爲帝撰辭且曰宜慷  
慨流涕感激人心帝旣出臨衆將令之不復記所受言遂  
大笑左右無辭將士莫不解體於是自大丞相已下太宰  
三師大司馬大將軍三公等官並增員而授或三或四不  
可勝數甲子皇太后從北道至引文武一品已上入朱華  
門賜酒食及紙筆問以禦周之方略羣臣各異議帝莫知  
所從又引高元海宋士素盧思道李德林等欲議禪位皇

太子先是望氣者言當有革易於是依天統故事傳位幼  
主帝自稱太上皇幼主名恒帝之長子也母曰穆皇后武  
平元年六月生於鄴其年十月立爲皇太子隆化二年正  
月乙亥卽皇帝位時年八歲改元爲承光元年大赦於是  
黃門侍郎顏之推中書侍郎薛道衡侍中陳德信等勸太  
上皇往河外募兵更爲經略若不濟南投陳國從之丁丑  
太皇太后太上皇自鄴先趣濟州周師漸逼癸未幼主又  
自出鄴東己丑周師至紫陌橋癸巳燒城西門太上皇將  
百餘騎東走乙亥渡河人濟州其日幼主禪位於大丞相  
任城王湝令侍中斛律孝卿送禪文及璽紱於瀛州孝卿  
仍以之歸周又爲任城王詔尊太上皇爲無上皇幼主爲  
守國天王留太后於濟州遣阿那肱留守太上皇并皇后  
攜幼主走青州韓長鸞鄧顒等數十人從太上皇旣至青



州卽爲入陳之計而阿那肱召周軍約生致齊主而屢使人告言賊軍在遠已令人燒斷橋路太上皇所以停後周軍奄至青州太上窘急將遜於陳置金囊於鞍後與長鸞淑妃等十數騎至青州南鄧村爲周將尉遲綱所獲送鄴周武帝與抗賓主禮并太后幼主諸王俱送長安封帝溫國公在位凡一十三年帝業昏亂加之暴虐崔季舒斛律光等皆以直見殺帝好自彈琵琶而唱無愁曲每處深宮羞見朝士三日一臨小殿啓事者走如飄風頭著于胷不得平視凡諸犬馬皆有儀同郡君之號又於宮中立貧窮村舍帝自弊衣爲乞兒每好不急之求一夜索蝎及曉得三斗置之浴斛使人裸卧斛中觀其號叫宛轉而爲笑樂又賣官爵各分州郡下至鄉官皆降中旨於是州縣官人多出富商大賈競爲貪縱人不聊生以至於敗也初武成

夢大蝟攻破鄴城乃悉索境內蝟膏以絕之議者以帝之名聲與蝟相協亡齊之徵也

太平御覽卷第一百三十一



太平御覽卷一百三十一

梁書曰高祖武皇帝諱衍字叔達小字練兒南蘭陵中都里人漢相國何之後也皇考諱順之齊高帝族弟也參預佐命封臨湘縣侯高祖以宋大明八年生于秣陵同夏里三橋宅生而有奇異兩髻駢骨頂上隆起有文在右手曰武帝及長博學多誦好籌略有文武才幹時流名輩咸推許焉所居室常若雲氣人或遇者體輒肅然起家巴陵王南中郎法曹遷衛將軍王儉東閣祭酒儉一見深相器異謂廬江何憲曰此蕭郎三十內當作侍中出此則貴不可言竟陵王子良開西邸招文學高祖與沉約謝朓王融等

太平御覽卷一百三十二

偏霸部十六

梁蕭衍

蕭衍

蕭綱

蕭繹

侯景附

梁書曰高祖武皇帝諱衍字叔達小字練兒南蘭陵中都里人漢相國何之後也皇考諱順之齊高帝族弟也參預佐命封臨湘縣侯高祖以宋大明八年生于秣陵同夏里三橋宅生而有奇異兩髻駢骨頂上隆起有文在右手曰武帝及長博學多誦好籌略有文武才幹時流名輩咸推許焉所居室常若雲氣人或遇者體輒肅然起家巴陵王南中郎法曹遷衛將軍王儉東閣祭酒儉一見深相器異謂廬江何憲曰此蕭郎三十內當作侍中出此則貴不可言竟陵王子良開西邸招文學高祖與沉約謝朓王融等



並遊焉隆昌初明帝輔政起高祖爲寧朔將軍鎮壽春除太子庶子給事黃門侍郎入直殿省預蕭謙氏任等定策勳封建陽縣男邑三百戶建武二年魏遣將劉昶王肅帥衆寇司州高祖爲冠軍將軍帥所領自外進戰魏軍表裏受敵乃奔圍退走軍罷以高祖爲右軍晉安王司馬淮陵太守還爲太子中庶子領軍羽林監頃之出鎮石頭四年魏帝自率大衆寇雍州明帝令高祖赴援又遣崔惠景督諸軍高祖等並受節度明年三月惠景與高祖進行鄧城魏主率十萬餘騎奄至惠景軍死傷略盡唯高祖全師而歸俄以高祖行雍州府事明帝崩東昏卽位始安王遙光徐孝嗣江祐更直內省分日帖勅高祖聞之謂從舅張弘策曰政出多門亂其階矣時高祖長兄懿罷益州還仍行郢州事乃使弘策詣郢陳計於懿曰若開隙釁起必中外

土崩今得守外藩幸圖身計郢州控帶荆湘西注漢汚雍州士馬呼吸數萬虎視其閒以觀天下此蓋萬全之策如不早圖之悔無及也懿聞之色變心不之許弘策還是歲至襄陽於是潛造器械多伐竹木沈於檀溪密爲舟裝之備二年冬懿被害信至高祖密召長史王茂中兵呂僧珍等謀之以十一月召僚佐集於廳事謂之曰昔武王會盟津皆曰紂可伐今昏主惡稔窮虐極暴誅戮朝賢罕有遺育生人塗炭天命殛之卿等同心疾惡共興義舉公侯將相良在茲日各盡勳效我不食言是日建牙於是收集得甲士萬餘人馬千餘匹船三百艘音出檀溪竹木裝艦東昏以劉山陽爲巴西太守配精兵三千使過荊州就行事蕭穎胄以襲襄陽穎胄伏甲斬之送首於高祖仍以南康王尊號之議來告且日時月未利當須來年二月遽便進



兵恐非廟筭高祖答曰所籍義心一時驍銳事事相接猶恐疑怠天時人謀有何不利處分已定安可中息三年二月南康王為相國以高祖為征東將軍高祖發襄陽移檄京邑高祖至竟陵命長史王茂與太守曹景宗為前軍輕兵濟江逼郢城張沖出軍迎戰茂等邀擊大破之三月南康王即帝位於江陵改永元三年為中興元年遙廢東昏為涪陵王以高祖為尚書左僕射加征東將軍都督征討諸軍事假黃鉞五月東昏遣寧朔將軍吳子陽等救郢州六月子陽進據加湖去郢三十里傍山帶水築壘以自固七月高祖命王茂潛師襲加湖俄而大潰子陽竄走眾盡溺于江王茂虜其餘而旋郢城主程茂以城降高祖又遣軍主唐修期攻隨郡並尅之司州刺史王僧景遣子入質司部悉平八月天子遣黃門勞軍九月詔高祖平定東夏

並以便宜從事是月豫州刺史申胄奔姑熟走大軍進據之遣曹景宗蕭穎達領馬步進頓江寧東昏遣李居士率步軍迎戰景宗擊走之大軍次新林命王茂進據越城曹景宗據皂莢橋十月東昏又遣征虜將軍王珍國等列陣於航南大路精手利器尚萬人闢人王偃楷羊子持白虎幡督率諸軍王茂曹景宗等倚居綺角奔之鼓噪震天地珍國之眾一時土崩諸軍望之皆潰茂軍追至宣陽門李居士以新亭壘徐元瑜以東府城降石頭白下諸軍並宵潰高祖鎭石頭命眾軍圍六門東昏悉焚燒門內驅逼營署官府並入城眾二十萬青州刺史栢和給徒亥東昏出戰因以眾來降高祖令諸軍築長圍十二月衛尉張稷北徐州刺史王珍國斬東昏送首茂師高祖命呂僧珍勒兵封府庫及圖籍收嬖妾潘淑妃及凶黨王暄況晚之以下



四十八人屬吏宣德皇后令追廢涪陵王爲東昏侯依漢海昏侯故事授高祖中書監都督揚徐二州諸軍事大司馬錄尚書驃騎大將軍揚州刺史封建安郡公食邑萬戶給班劍四十人黃鉞侍中征討諸軍事並如故高祖入屯闕武堂下令大赦二年天子遣慰勞京邑贈高祖祖散騎常侍左光祿大夫考侍中丞相宣德皇后臨朝入居內殿詔進高祖都督中外諸軍事劔履上殿入朝不趨讚拜不名加前後部羽葆鼓吹置左右長史司馬從事中郎掾屬各四人又詔進位相國摠百揆揚州刺史封十郡爲梁公備九錫之禮高祖固辭二月進梁公爵爲王以豫州之南譙廬江永嘉等十郡益梁國并前爲二十郡三月命王冕十有二旒建天子旌旗出警入蹕景辰齊帝禪位于梁高祖謙讓不受太史令蔣道秀陳天文符讖六十四條並明

著羣臣固請乃從之夏四月景寅高祖卽皇帝位于南郊設壇柴燎告類于天大赦改齊中興二年爲天監元年封齊帝爲巴陵王八月詔中書監王瑩等八人參定律令十一月立皇子統爲皇太子四年正月詔九流常選年未三十不通一經不得解褐若有才同甘顏勿限年次是歲大穰米斛三十五年三月魏宣武帝從弟翼率其諸弟來降陳伯之自壽陽率衆歸降八年正月輿駕親祠南郊赦天下九年三月幸國子學親臨講肆詔皇太子及王侯之子年在從師者可令入學十年親祠南郊大赦三月東苑瑯邪二郡守鄧晰旨熱切以响山引魏軍遣振遠將軍馬仙理按梁書幼名仙婢及長以婢名不典討之十月馬仙理遂去女從理補鼎切字書又音駢破魏軍斬馘古獲切十餘萬復尅响山城十八年親祠南郊普通元年正月改元大赦五年六月龍闕于曲阿王陂因



西行至建陵城所經處樹木倒折七年赦死罪已下大通元年三月幸同泰寺捨身甲戌還宮赦天下改元二年十月以魏北海王元顥為魏主遣東宮直閤將軍陳慶之衛送還北魏豫州刺史鄧獻以地內屬中大通元年九月幸同泰寺捨身公卿已下以錢一億萬奉贖十月輿駕還宮大赦改元三年十月幸同泰寺昇法座為四部眾說大般若涅槃經義六年春親耕籍田四月熒惑在南斗大同元年正月改元大赦二年三月詔文武在位舉爾所知公侯將相隨才擢用十年三月幸蘭陵謁建寧陵十一年四月魏遣使來聘中大同元年四月於同泰寺講說法會大赦改元十月以前東揚州刺史岳陽王督晉察為雍州刺史太清元年二月魏司徒侯景以豫章廣潁洛陽等十三州內屬以景為大將軍封河南王大行臺承認如鄧禹故事四

月大赦改元八月以大將軍侯景錄行臺尚書事二年八月侯景舉兵反十月景自橫江濟于採石景至京師臨賀王正德率眾附賊十一月攻陷東府城三年三月前司州刺史羊鴉仁等進軍東府北與賊戰大敗賊攻陷宮城縱兵大掠侯景自為都督中外諸軍事大丞相錄尚書四月高祖以所求不供憂憤寢疾五月景辰崩于淨居殿時年八十六十一月進尊為武皇帝廟號高祖葬于脩陵梁書曰高祖生知淳孝少而篤學洞達儒玄雖萬機多務猶卷不輟手後官職司貴妃已下皆衣不曳地傍無錦綺不飲酒不聽音樂歷觀古昔帝主人君恭儉莊敬藝能博學罕或有焉

蕭綱

梁書曰太宗簡文皇帝諱綱字世讚小字六通高祖第三



子天監五年封晉安王中大通三年四月昭明太子薨五月立爲皇太子大清三年五月高祖崩卽皇帝位大寶元年正月大赦改元西魏冠安陸執司州刺史柳仲禮盡沒漢東之地二月邵陵王綸自尋陽至于夏口郢州刺史南平王恪以州讓綸侯景逼帝幸西州夏大飢人相食京師尤甚前司州刺史羊鴉仁自尚書省出奔西州八月湘東王繹遣領軍將軍王僧辯率衆逼郢州侯景自進位相國封二十郡爲漢王邵陵王綸奔郢州走十月侯景自加宇宙大將軍都督六合諸軍事二年三月侯景自率衆西寇自石頭至新林舳艫相接四月至西陽景分遣魏將朱子仙任約襲郢州閏月景進寇巴陵王僧辯連戰不能尅五月湘東王遣遊擊將軍胡僧祐信州刺史陸法和援巴陵景遣任約帥衆拒援軍六月僧祐等擊破任約擒之景解

圍宵遁王僧辯督衆追景攻魯山城尅之七月景還至京師王僧辯軍次溢城八月侯景遣衛尉卿彭儁率兵入殿廢帝爲晉安王幽于永福省害皇太子大器潯陽王大心及潯陽王諸子二十人矯詔禪于豫章嗣王棟大赦改元十月帝崩于永福省年四十九賊僞諡曰明皇帝廟稱高宗明年三月王僧辯率百官奉梓宮昇朝堂世祖追崇爲簡文皇帝廟曰太宗葬莊陵

梁書曰太宗見幽繫題壁自序云有梁正士蘭陵蘭世讚立身行道終始如一風雨如晦鷄鳴不已弗欺暗室豈况三光數至於此命也如何又爲連珠二首文甚悽愴

蕭繹

梁書曰世祖孝元皇帝諱繹字世誠小字七符高祖第七子也天監十三年封湘東郡王大同六年出爲都督江州



諸軍事江州刺史太清元年徙爲都督荆雍湘司鄧等九州諸軍事鎮西將軍荊州刺史三年三月侯景寇沒京師太子舍人蕭歆至江陵宣密詔以世祖爲侍中假黃鉞大都督中外諸軍事司徒承制餘如故是月世祖徵兵於湘州湘州刺史河東王譽拒而不遣七月遣世子方等帥衆討譽戰敗又遣將軍鮑泉代討譽九月雍州刺史岳陽王督舉兵反來寇江陵世祖嬰城拒守督將杜崩七力及楊混各率其衆來降督遁走鮑泉攻湘州不尅又遣左衛將軍王僧辯代將大寶元年五月王僧辯尅湘州斬河東王譽湘州平二年二月魏遣使來聘三月侯景悉兵西上會任約軍王僧辯帥衆屯巴陵景進寇巴陵世祖遣將軍胡僧祐陸法和帥衆下援任約敗景遂遁走僧辯帥軍追景所至皆捷八月僧辯下次湓城十月王僧辯等表稱侯景

弑逆皇帝賊害太子宗室在寇庭者竝羅酷禍世祖奉諱大臨三月百官縞素司空南平王恪率宗室將軍胡僧祐率群寮並奉牋勸進世祖固讓三年二月王僧辯衆軍發自潯陽世祖馳檄告四方有能縛侯景及送首者封萬戶開國公三月王僧辯等平侯景傳其首於江陵告明堂大社四月益州刺史新除假黃鉞太尉武陵王紀竊位於蜀改號天正元年世祖遣司空蕭太拜謁瑩陵修復社廟五月以尙書令征東將軍江州刺史王僧辯爲司徒斬賊左僕射王偉尙書呂季略於江陵市是月魏遣太師潘洛辛等寇秦郡王僧辯遣杜崩帥衆拒之以陳霸先爲征北大將軍南徐州刺史是月魏遣使賀平侯景八月蕭紀率巴蜀大衆東下遣護軍陸法和屯巴峽以拒之是月四方征鎮王公卿士復勸世祖卽尊號表三上乃從之承聖元年



太平御覽 卷一百三十一  
十一月景于卽皇帝位於江陵立太子方矩爲皇太子追尊所生妣阮修容爲文宣太后二年西魏遣大將尉遲迥襲陷益州三月以郢州刺史陸法和爲司徒四月以征北大將軍陳霸先爲司空九月魏遣其柱國萬紐于謹率大衆來寇冬十月魏軍至于襄陽蕭管率衆會之内外戒嚴輿駕出行都柵徵王僧辯等軍十一月魏軍至柵下徵廣州刺史王琳入援辛卯魏軍大攻世祖出枇杷門親臨陣督戰六軍敗績反者斬西門以納魏師城陷于西魏世祖見執十二月西魏害世祖遂崩焉時年四十七太子皆見害明年四月追尊元皇帝廟號曰世祖  
梁書曰世祖聰悟俊朗天才英發年五六歲高祖問汝讀何書對曰能誦曲禮高祖曰汝試言之卽誦上篇左右莫不驚歎旣長好學博摠羣書下筆成章出言爲論才辯敏

速冠絕一時也

侯景附

侯景河朔人也少不羈高歡以爲將軍雄勇冠時征伐數有大功嘗謂歡曰若假景三萬人當橫行天下要須縛取蕭衍老翁遣作太平寺主後高歡死景乃以河南降于梁高澄使慕容紹宗圍於長社景謂紹宗曰欲送客耶將定雄雌耶紹宗曰吾將決戰景乃令戰士皆被甲持短刀但低視斫人脛足遂敗紹宗軍裨將斛律光尤之紹宗曰吾戰多矣未見此賊之難破相持連月景食盡其將慕容顯等降紹宗景衆乃潰景與腹心數騎濟淮稍收散卒得馬步八百人晝夜兼行追軍不敢逼使謂紹宗曰景若就擒公復何用紹宗乃縱之遂攻壽陽下之而據其城梁武以爲河南王招集戰士乃請錦萬匹爲軍人作袍帝不與以



青布給之又請娶於王謝武帝曰王謝門高非其偶可朱張已下訪之景恚曰會將吳兒女以配奴景既爲朝廷所疑武帝使謂景曰譬如貧家畜十客尙能得志朕惟有一客致有忿言是朕之失也明日遂將兵於歷陽濟江聞邵陵王綸督衆軍景乃謀於王偉曰莫若直掩京都臨賀反於內大王攻於外天下不足定也兵法曰遲巧不如拙速今便須進路不然邵陵及人景遂晨夜兼行至都百道攻城縱火焚諸城門城中倉卒未有備乃鑿門樓下水沃火久之方滅景又於城南城西各起土山以臨城內內亦作兩山以應之簡文以下皆親執畚音鍤切楚合景又募人先爲奴者賞以不次朱异家黥奴踰城投賊景以爲儀同使至闕下以誘城內乘馬披錦袍詎曰朱异五十年仕官方得中領軍我始事侯王已爲儀同使於是奴僮競出盡皆

得志景決石關前水百道攻城晝夜不息城陷景自爲丞相以甲士五百人自衛帶劔昇殿帝謂景曰卿久在戎得無勞乎景不對帝曰卿是何州人而至此又默然左右任約代對及出景謂約曰吾嘗據鞍對敵矢刃交下意無怖今見蕭公使人自惜豈非天威難犯吾不可以再見之矣先是城中積屍不暇埋瘞又有已死未斂或將死未絕景悉命聚而焚之尚書郎鮑正疾篤賊曳出而焚之宛轉火中久而方絕武帝崩立簡文又立豫章王景皆殺之遂篡位國號漢年稱太始王偉請立七廟景問何謂七廟偉曰古者天子祭七代祖考故致七廟并請七代諱勅太常具祭祀之禮景曰前代吾不復憶唯記得阿爺名大標且在朔州伊那得來噉衆聞咸笑景頗爲王僧辯所破將走王偉按劔諫曰自古豈有走天子今宮中衛士尙可一戰寧



太平御覽 卷一百三十二  
九  
可便走景曰我在北時打賀拔勝破葛榮揚名河朔與高  
王一種人今來直渡大江取臺城如反掌打邵陵王於北  
山摧柳仲禮於南岸皆爾所親見也今日之事恐是天亡  
爾好守城吾當一決乃與百騎東走至松江乃與腹心數  
十人乘舸入海至湖豆州舍人羊鯤殺景景左足上有肉  
瘤狀似龜戰應尅捷則隱起分明如不勝則低是日瘤陷  
肉中遂傳首於江陵

太平御覽卷第一百三十二

太平御覽卷第一百三十三

偏霸部十七

梁蕭方智

後梁蕭譽

陳陳霸先

蕭方智

蕭歸

蕭琮

梁書曰敬帝諱方智字慧相小字法真世祖第九子也太  
清三年封興梁侯承聖元年封晉安郡王二年出爲平南  
將軍江州刺史三年十一月江陵陷太尉楊州刺史王僧  
辯司空南徐州刺史陳霸先定議以帝爲太宰承制奉迎  
還京師四年二月至自潯陽入居朝堂以太尉王僧辯爲  
中書監錄尚書驃騎將軍都督中外諸軍事加司空陳霸  
先班劍二十人三月齊遣其上黨王高渙送貞陽侯蕭淵



明來主梁嗣至東關遣吳興太守裴之橫與戰敗績之橫  
 死王僧辯率眾出屯姑熟七月王僧辯納貞陽侯蕭淵明  
 自採石濟江入于京師以帝為皇太子九月司空陳霸先  
 舉義襲殺王僧辯黜蕭淵明丙午帝即皇帝位十月詔改  
 承聖四年為紹泰元年大赦以貞陽侯淵明為司徒封建  
 安郡公以司空陳霸先為尚書令尊所生夏貴妃為皇太  
 后立妃王氏為皇后太平元年正月大赦四月齊軍水步  
 入丹陽縣至秣陵故治六月齊潛軍至蔣山北至玄武湖  
 司空陳霸先授眾軍節度大破之七月陳霸先進位司徒  
 九月改元大赦除司徒陳霸先為丞相錄尚書事二年四  
 月齊遣使請和八月加丞相黃鉞領太傅劔履上殿九月  
 為相國摠百揆封十郡為陳公備九錫之禮十月禪位于  
 陳奉帝為江陰王薨于外邸時年十六追謚敬皇帝史臣

曰梁季橫潰喪亂屢臻當此之時天曆去梁敬皇高讓將  
 同釋負焉

後梁蕭譽

後梁宣帝諱譽昭明太子第三子也封岳陽王授雍州刺  
 史孝元被西魏所害譽遂為魏附庸稱大定元年以蔡大  
 寶為相時人比劉備遇孔明譽性不好酒尤惡見婦人酷  
 信佛法謂尚書宋如周曰卿何謗經如周踧踏上子六切  
 自陳懼而出以告蔡大寶寶曰卿當不謗餘經不信法華  
 耳如周乃悟經云隨喜面不狹長如周面狹且長故戲之  
 耳譽見居邑殘毀于戈日用在位八年憤惋而殂年四十  
 子歸立



宣帝崩太子即位號天保元年十五年周武帝平北齊得傳國璽歸入周賀武帝大會群臣及諸蕃客周武自彈琵琶令故齊主高緯起舞達摩支故安德王延宗悲不自勝緯舞訖勸歸歸乃起舞周武曰梁主乃能為朕舞乎歸曰陛下既自彈五絃臣何敢不同百獸周武大悅周武指齊氏故臣叱列長又謂歸曰是登俾罵朕者歸曰長又未能輔桀翻敢吠堯周武大笑初雖禮接歸未深知之至是歸承開乃陳父荷太祖拯救之恩并敘二國艱虞屬齒拮角之事辭理辯暢因涕泗交流周武亦為歔歔自是禮遇日深賜雜繒百段馬五匹并賜齊宮伎女遣歸國執歸手曰待破突厥必送梁王歸江東歸途經古跡莫不駐馬賦詩以敘其懷至于江陵凡三十首女為隋晉王廣妃在位十四十而殂

### 蕭琮

琮明帝太子也既立赦其封內改元寬運琮性廣仁有大度博學有文義兼善弓馬明年隋文徵琮入朝琮率其臣二百餘人朝于長安群臣辭于送客堂琮下馬二執別莫不殞涕既至隋文帝留之使崔弘度將兵攻江陵江陵不守於是國廢

### 陳陳霸先

陳書曰高祖武皇帝諱霸先字興國小字法生吳興長城下若里人漢太丘長陳寔之後也世居潁川寔玄孫準晉大尉準生匡匡生達永嘉南遷為丞相掾歷太子洗馬出為長城令悅其山水遂家焉嘗謂所親曰此地山川秀麗當有王者興二百年後我子孫必鍾斯運高祖以梁天監二年癸未歲生少儻有大志不治生產既長讀兵書多



武藝明達果斷爲當時所推服嘗遊義興館於許氏夜夢天開數丈有四人朱衣捧日而至令高祖開口納焉及覺腹中猶熱高祖心獨負之大同初新喻侯蕭映爲吳興太守甚重高祖謂僚佐曰此人方將遠大及映爲廣州刺史高祖爲中直兵參軍隨之鎮映令高祖招集士馬衆至千人仍命高祖監宋隆郡所部安化二縣元不賓高祖討平之尋監西江督護高要郡守先是武林侯蕭諮爲交州刺史以嚴刻失衆心土人李賁連結數州豪傑同時反臺高州刺史孫罔新州刺史盧子雄將兵擊之罔等不時而進皆於廣州伏誅子雄弟子略與罔子致及其主帥杜天合杜僧明共舉兵執江南督護沈覲進寇廣州晝夜苦攻州中震恐高祖率精兵三千卷甲兼行以救之頻戰屢捷天合中流矢死賊衆大潰僧明遂降梁武帝深歎異焉授直

閣將軍封新安子邑三百戶仍遣畫工圖高祖貌而觀之高祖送喪還都至大庾嶺會有詔高祖爲交州司馬領武平太守與刺史楊暕匪妙南討十一年六月軍至交州賁衆數萬於蘇歷江口立城柵以拒官軍暕推高祖爲前鋒所向摧陷賁走典澈湖於屈獠界立砦音大造船艦充塞湖中衆軍憚之頓湖口不敢進夜江水暴起七丈注湖中奔流迅激高祖勒所部兵乘流先進衆軍鼓譟俱前賊衆大潰賁竄入屈獠洞中屈獠斬賁傳首京師是歲太清元年也除振遠將軍西江督護高要太守督七郡諸軍事二年冬侯景寇京師高祖將率兵赴援廣州刺史元景仲陰有異志將圖高祖高祖知其計與成州刺史王懷明行臺選郎殷外臣等密議誠嚴三年七月集義兵於南海馳檄以討景仲景仲窮蹙縊于閣下高祖迎蕭勃鎮廣州十一



月高祖遣杜僧明胡穎將二千人頓于嶺上并厚結始興  
 豪傑同謀義舉侯安都張偃音猜等率千餘人來附蕭勃聞  
 之遣鍾休悅說高祖曰侯景驍雄天下無敵前者援軍十  
 萬士馬精強然而莫敢當鋒遂令羯賊得志以君踈外詎  
 可開殺未若且住始興遙張聲勢保此泰山自求多福高  
 祖泣謂休悅曰僕本庸虛蒙國成造往聞侯景渡江即欲  
 赴援今京都覆沒主上蒙塵君辱臣死誰敢愛命君侯體  
 則皇枝任崇方岳已不能摧鋒萬里雪此冤痛見遣一軍  
 猶賢乎已乃降後旨使人慨然僕行計決矣憑為披述乃  
 遣使閒道往江陵稟承軍期節度湘東王承制授高祖負  
 外散騎常侍持節明威將軍交州刺史改封南野縣伯六  
 月高祖脩嶂頭古城徙居焉高州刺史李遷仕據大臯遣  
 主帥杜平虜率千人入贛音紺石魚梁高祖命周文育將兵

擊走之遷仕奔寧都承制授高祖通直散騎常侍使持節  
 信威將軍豫州刺史領豫章內史改封長城縣侯尋授散  
 騎常侍使持節都督六郡諸軍事軍師將軍南江州刺史  
 餘如故時寧都人劉藹等資遷仕舟艦兵仗將襲南康高  
 祖遣杜僧明等率二萬人據白口築城以禦之遷仕亦立  
 城以相對二年三月僧明等攻拔其城生擒遷仕送南康  
 高祖斬之承制命高祖進兵定江州仍授江州刺史餘如  
 故六月高祖發自南康觀者數萬人是時承制遣征東將  
 軍王僧辨督眾軍討侯景八月僧辨軍次湓城高祖率杜  
 僧明等眾軍及南川豪帥合三萬人將會焉時西軍乏食  
 高祖先貯軍糧五十萬石至是分三十萬以資之仍頓巴  
 丘會侯景廢簡文帝立豫章嗣王棟高祖遣兼長史沈袞  
 奉表于江陵勸進十一月承制授高祖使持節都督會稽



東陽新安臨海永喜五郡諸軍事平東將軍揚州刺史領  
會稽太守豫章內史餘並如故三年正月高祖率甲士三  
萬人強弩五千張舟艦二千乘發自豫章二月次桑落州  
遣中記室參軍江元禮以事表江陵承制加高祖鼓吹一  
部是時僧辨已發湓城會高祖于白茅灣乃登岸結壇刑  
牲盟約進軍次蕪湖侯景城主張黑弃城走三月高祖與  
諸軍進尅姑熟仍次蔡州侯景登石頭城觀望形勢意甚  
不悅謂左右曰此軍上有紫氣不易可當乃以船艦貯石  
沉塞淮口綠淮作城自石頭迤青溪十餘里中樓雉相接  
諸將未有所決僧辨遣杜勣問計於高祖高祖曰前柳仲  
禮數十萬兵隔水而坐韋粲之在青溪竟不渡岸賊乃登  
高望之表裏俱盡肆其凶虐覆我王師今圍石頭須渡北  
岸諸將若不能當鋒請先往立柵高祖即於石頭西橫隴

築柵衆軍次連八城直出東北賊恐西州路斷亦於東北  
果林作五城以遏大路景率衆萬餘人鐵騎八百餘匹結  
陣而進乃命諸將分處置兵賊直衝王僧志僧志小縮高  
祖遣徐度領弩手二千橫截其後賊乃却高祖與王琳杜  
龕等以鐵騎悉力乘之賊退據其柵景儀同盧輝略開石  
頭北門來降盪主戴晃曹宣等攻拔果林一城衆軍又尅  
其四城賊復還殊死戰又盡奪其所得城柵高祖大怒親  
率攻之士卒騰柵而入賊復散走景與百餘騎奔稍執刀  
左右衝陣陣不動景衆大潰遂北至西明門景至關下不  
敢入臺遣腹心取其二子而遁高祖率衆出廣陵應接景  
將郭元建奔齊高祖納其部曲三千人而還僧辨啓高祖  
鎮京口五月齊遣辛術圍嚴超達於秦郡高祖命徐度領  
兵助其固守齊衆七萬塹壘起土山穿地道攻之甚急高



祖乃自率萬人解其圍縱兵四面擊齊軍弓弩亂發齊平  
秦王中流失死斬首數百級齊人收兵而退高祖振旅南  
歸遣記室參軍劉本仁獻捷于江陵承制授高祖使持節  
散騎常侍都督南徐州諸軍事征北大將軍開府儀同三  
司南徐州刺史餘並如故及王僧辯率衆征陸納於湘州  
承制命高祖代鎮揚州十一月湘東王即位于江陵改元  
承聖明年湘州平高祖旋鎮京口三年三月進高祖司空  
餘如故十一月西魏攻陷江陵高祖與王僧辯等進啓江  
州請晉安王以太宰承制又遣長史謝哲奉牋勸進十二  
月晉安王至自潯陽人居朝堂給高祖班劍二十人四年  
五月齊送貞陽侯淵明還主社稷王僧辯納之卽位改元  
曰天成以晉安王爲皇太子初齊之請納貞陽侯也高祖  
以爲不可遣使詣僧辯苦爭之往返數四僧辯竟不從高

祖居常憤恨密謂所親曰武皇雖盤石之宗遠布四海至  
于尅雪讎耻寧濟艱難唯孝元而已功業懋盛前代未聞  
我與王公俱受重寄語未絕音聲猶在耳豈期一旦便有  
異圖嗣主高祖之孫元皇之子海內屬目天下宅心音有  
何辜坐致廢黜遠求夷狄假立非次觀其此情亦可知矣  
乃密具袍數十領及錦綵金銀以爲賞賜之具九月壬寅  
高祖召徐度侯安都周文育等謀之仍部列將士分賞金  
帛水陸俱進是夜發南徐州討王僧辯甲辰高祖步軍至  
石頭前進遣勇士自城北踰入時僧辯方視事外自有兵  
俄而兵自內出僧辯遽走與其第三子頽相遇俱出闕左  
右尙數十人苦戰高祖大兵尋至僧辯衆寡不敵走登城  
南門樓高祖因風縱火僧辯窮迫乃就擒是夜縊僧辯及  
頽景年貞陽侯遜位百僚奉晉安王上表勸進十月己酉



晉安王卽位改承聖四年爲紹泰元年壬子詔授高祖侍  
中大都督中外諸軍事車騎將軍楊南徐二州刺史持節  
司空班劍鼓吹並如故仍詔高祖甲仗百人出入殿省震  
州刺史杜龕據吳興與義興太守韋載同舉兵反高祖命  
周文育率衆攻載于義興龕遣其從弟北叟將兵拒戰北  
叟敗歸義興二年正月癸未誅杜龕于吳興龕從弟北叟  
司馬沉孝敦並賜死二月庚申高祖遣侯安都周鐵武率  
舸艦備江州仍頓梁山起柵三月戊戌齊遣水軍儀同蕭  
軌庫狄伏連堯難宗東方老侍中裴英起東廣州刺史獨  
孤辟惡洛州刺史李希光并任約徐嗣徽等率衆十萬出  
柵口向梁山帳內盪主黃叢逆擊敗之燒其前軍船艦齊  
頓軍保蕪湖高祖遣定州刺史沈泰吳郡太守裴忌就侯  
安都共據梁山以禦之四月丁巳高祖詣梁山軍巡撫五

月甲申齊兵發自蕪湖景申至秣陵故治高祖遣周文育  
屯方山徐度頓馬牧杜稜頓大航南己亥高祖率宗室王  
侯及朝臣將帥於大司馬門外白獸闕下刑牲告天以齊  
人背約發言慷慨涕泗交流同盟皆莫能仰視士卒觀者  
益奮辛丑齊軍於秣陵故縣跨淮立橋柵引渡兵馬其夜  
至方山侯安都周文育徐度等各引兵還京師癸未齊兵  
自方山進及兒塘游騎至臺周文育侯安都頓白土崗旗  
鼓相望都邑震駭高祖潛撤精卒二千配沈泰渡江襲齊  
行臺趙彥琛於瓜步獲舟艦百餘艘陳粟萬斛六月甲辰  
齊兵潛至鍾山龍尾丁未進至幕府山高祖命衆軍秣馬  
蓐食遲明攻之乙卯旦自率帳內麾下出幕府山南吳明  
徹沉泰等衆軍首尾齊舉縱兵大戰侯安都自白土岡下  
自引兵橫出其後齊師大潰斬獲數千人相蹂藉而死者



不可勝計生執徐嗣宗斬之以徇追奔至于臨沂其江乘  
 攝山鍾山等諸軍相次克捷七月景子詔授高祖中書監  
 司徒揚州刺史進爵為公增邑并前五千戶并給油幢皂  
 輪車是月侯瑄他甸切以江州入附遣侯安都鎮上流定南  
 中諸郡八月癸卯太府卿何敷五來切新州刺史華志各上  
 玉璽一高祖表以送臺詔歸之高祖是日詔高祖食安吉  
 武康二縣合五千戶九月進高祖位丞相錄尚書事鎮衛  
 大將軍改刺史為牧進封義興郡公丁未中散大夫王彭  
 賤稱今月五日平旦於御路見龍迹自太社至象闕亘三  
 四里庚申詔追贈高祖考侍中光祿大夫加金章紫綬封  
 義興郡公諡曰恭十月甲戌勅丞相自今入問訊可施別  
 榻以近展坐二年正月壬寅天子朝萬國于大極東堂詔  
 加高祖班劔十人八月甲午進高祖位太傅加黃鉞劔履

上殿入朝不趨贊拜不名并給羽葆鼓吹一部丙申加高  
 祖前後部羽葆鼓吹是時湘州刺史王琳擁兵不應命高  
 祖遣周文育侯安都率眾討之九月詔進位相國摠百揆  
 封十郡為陳公備九錫之禮十月進高祖爵為王又命冕  
 十有二旒建天子旌旗辛未梁帝禪位永定元年冬十月  
 乙亥高祖即皇帝位于南郊柴燎告天大赦天下改梁太  
 平二年為永定元年封梁帝為江陰王賜民爵二級文武  
 位二等鰥寡孤獨不能自存者人穀五斛丙子輿駕幸鍾  
 山祠蔣帝廟戊寅輿駕幸華林園親覽辭訟臨赦囚徒已  
 卯分遣大使宣勞四方辛巳追尊皇考曰景皇帝廟號太  
 祖皇妣董太夫人曰安皇后追諡前夫人錢氏號為昭皇  
 后立夫人章氏為皇后癸未尊景帝陵曰瑞陵昭皇后陵  
 曰嘉陵依梁初園陵故事立刪定郎治定律令戊子遷景



皇帝神主祔于太廟夏四月甲子輿駕親祠太廟乙丑江陰王薨詔遣太宰吊祭司空監護喪事凶禮所須隨官備辦以梁武林侯蕭諮息季卿嗣爲江陰王初侯景之平也火焚太極殿承聖中議欲營之獨闕一柱至是有樟木大十八圍長四丈五尺流泊陶家後渚監軍鄒子度以聞詔中書令沉衆兼起部尚書少府卿蔡儔兼將作大匠起太極殿甲寅太極殿成匠各給復十二月庚申侍中安東將軍臨川王椿率百僚朝前殿拜上牛酒甲子輿駕幸大莊嚴寺設無暑大會捨乘輿法物羣臣備法駕奉迎即日輿駕還宮景寅高祖於太極東堂宴羣臣設金石之樂以路寢告成也三年春正月己丑青龍見于東方丁酉夜大雪及明太極殿前有龍跡見甲午廣州刺史歐陽頎表稱白龍見于州江南岸長數十丈仙人見于羅浮山寺小石樓

長三丈所通身潔白衣服楚麗北江州刺史熊曇朗殺都督周文育于軍舉兵反王琳遣其將常衆愛曹慶率兵援奈視遮切琳從弟襲主帥羊疎音等三十餘人衆愛遁走庚寅廬山民斬之傳首京師甲午衆帥凱歸丁酉高祖不豫遣兼太宰尚書左僕射王通以疾告太廟兼太宰中書令謝哲告太社南比郊辛丑高祖疾小瘳故司空周文育之柩至自建昌壬寅高祖素服哭于堂哀甚癸卯高祖臨訊獄省訟是夜熒惑在天尊高祖疾又甚景午崩于璿璣殿時年五十七遺詔追臨川王椿入纂甲寅遷殯于太極殿西階謚曰武皇帝廟號高祖葬萬安陵



太平御覽卷第一百三十三

太平御覽卷第一百三十四

偏霸部十八

陳陳蒨

陳伯宗

陳頊

陳叔寶

陳蒨

陳書曰世祖文皇帝諱蒨字子華始興昭烈王長子也少  
 沉敏有識量美容儀留意經史舉動方雅造次必遵禮法  
 高祖甚愛之常稱此兒吾宗之英秀也梁太清初帝夢兩  
 日鬪一大一小大者光滅墜地色正黃其大如斗世祖因  
 三分取一而懷之侯景之亂鄉人多依山湖寇抄世祖獨  
 保家無所犯時亂日甚乃避地臨安及高祖舉義兵侯景  
 遣使收世祖及衡陽獻王世祖乃密襲小刀冀因入見而  
 害景至便屬吏故其事不行高祖大軍圍石頭景欲加害



者數矣會景敗世祖乃得出赴高祖營起家為吳興太守  
 高祖受禪立為臨川郡王邑二千戶拜侍中安東將軍及  
 周文育侯安都敗於沌口高祖詔世祖入衛軍儲戎備皆  
 以委焉尋命率兵城南皖戶板永定三年六月景午高祖  
 崩遺詔徵世祖入纂皇統甲寅至自南皖入居中書省其  
 日即皇帝位於大極前殿詔曰上天降禍奄集邦家大行  
 皇帝背離萬國率土崩心若喪考妣龍圖寶曆眇屬朕躬  
 運鍾擾攘事切機務南面須主西讓禮輕今便式膺景命  
 光宅四海可大赦天下改永定四年為天嘉元年鰥寡孤  
 獨不能自存立者賜穀人五斛孝悌力田殊行異等加爵  
 一級甲寅分遣使者宣勞四方辛酉與駕親祠南郊二年  
 春正月庚戌大赦天下十二月立始興國廟於京師用王  
 者之禮太子中庶子虞荔御史中丞孔奐以國用不足奏

立煮海鹽及摧酷之稅並施行三年春正月庚戌設帷宮  
 於南郊幣告胡公以配天辛亥與駕親祠南郊二月甲子  
 改鑄五銖錢三月景子安成王頊至自周詔授侍中中書  
 監中衛將軍置佐吏是歲周所立梁王蕭譽死于巋丘軌  
 代立天康元年春二月景子詔曰朕以寡德纂承洪緒日  
 吳劬勞思弘景業而政道多昧黎庶未康兼疾患淹時九  
 陽累月百姓何咎寔由朕躬念茲在茲痛如疾首可大赦  
 天下改天嘉七年為天康元年三月己卯以驃騎將軍開  
 府儀同三司楊州刺史司空安成王頊為尚書令夏四月  
 乙卯皇孫至澤生在位文武賜綰帛各有差為父後者賜  
 爵一級癸酉世祖疾甚是日崩于有覺殿遺詔曰朕疾苦  
 彌留遂至不救修短有命夫復何言但王業艱難頻歲軍  
 旅生民多弊無忘愧惕今方隅乃定俗教未弘便及大漸



以爲遺恨社稷任重太子可即君臨王侯將相善相輔翊  
內外計和勿違朕意山陵務存儉速大斂責羣臣三日畢  
臨公除之制率依舊典六月甲子羣臣上諡曰文皇帝廟  
號世祖葬永寧陵亦曰大夏殿辭畢各拜送於父廟齊  
陳書曰廢帝諱伯宗字奉業小字藥王世祖嫡長子也永  
定二年拜臨川王世子世祖嗣位立爲皇太子天康元年  
四月世祖崩即皇帝位二年春詔大赦天下改光大元年  
孝悌力田賜爵一級輿駕祠南郊二年十一月慈訓太后  
集群臣於朝堂令降爲臨海王送還藩邸是日出居別第  
太建二年薨時年十九

陳頊

陳書曰高宗孝宣皇帝諱頊字紹世小字師利始興昭烈

王第二子也梁大通二年生有赤光滿室少寬大多智略  
及長美容儀身長八尺三寸垂手過膝有勇力善騎射高  
祖平侯景鎮京口梁元帝徵高祖子姪入侍高祖遣高宗  
赴江陵累官爲直閣將軍中書侍郎時有馬軍主李搠與  
高宗有舊每同遊處高宗嘗夜被酒張燈而寐搠適出尋  
返乃見高宗身是大龍搠便驚走時在關右永定元年遙  
襲封始興郡王邑二千戶三年世祖嗣位改封安成王天  
嘉三年自周還授侍中中書監中衛將軍置佐吏尋授使  
持節都督揚南徐東揚南豫北江五州諸軍事楊州刺史  
進號驃騎將軍餘如故四年加開府儀同三司六年遷司  
空天康元年授尚書令廢帝即位拜司徒進號驃騎大將  
軍錄尚書都督中外諸軍事給班劔三十人光大二年正  
月進位太傅領司徒加殊禮劔履上殿增邑并前三千戶



餘如故十一月甲寅慈訓太后令廢帝爲臨海王以高宗  
入纂是歲春正月甲午即皇帝位于太極前殿詔改光大  
三年爲太建元年大赦天下在位文武賜位一階孝悌力  
田及爲父後者賜爵一級異等殊才並加策序鰥寡孤獨  
不能自存者人賜穀五斛復太皇太后尊號曰皇太后立  
妃柳氏爲皇后世子叔寶爲皇太子冬十月新除左衛將  
軍歐陽紇據廣州舉兵反辛未遣車騎將軍開府儀同三  
司章昭達率衆討之壬午與駕祠太廟二年春正月乙酉  
以征西大將軍開府儀同三司郢州刺史黃法蕤其於爲切  
中護大將軍丙午與駕親祠太廟二月癸未儀同章昭達  
擒歐陽紇送都斬于建康市廣州平三月丙申皇太后崩  
丙午曲赦廣衡二州丁未大赦天下三年春正月癸丑以  
尚書右僕射領大著作徐陵爲尚書僕射辛酉與駕親祠

南郊辛未親耕藉田三月丁丑大赦天下自天康元年訖  
大建元年逋餘軍糧祿秩夏調未入者悉原之五年三月  
詔大都督吳明徹統衆十萬發自白下夏四月癸卯前巴  
州刺史魯廣達尅齊大峴城辛亥吳明徹尅秦州水柵庚  
申齊遣兵十萬援歷陽儀同黃法蕤破之辛酉齊軍救秦  
州吳明徹又破之癸亥詔北伐衆軍所殺齊兵令掩埋甲  
子南譙太守徐樓尅石梁城六年春正月壬戌朔詔曰王  
者以四海爲家萬姓爲子一物乖方夕惕猶厲六合未混  
甲食彌憂朕嗣纂鴻基思弘經略上符景宿下叶人謀命  
將興師大拯淪溺灰瑄未周凱捷相繼拓地數千連城將  
百蠢彼餘黎毒茲異境江淮年少猶有剽掠鄉閭無賴擿  
他歷切出陰私將帥軍人罔顧刑典今使苛法蠲除仁聲載  
路且肇元告慶邊服來荒始覩皇風宜覃曲澤可赦江右



淮南南司霍邑歷陽臨江等郡士民罪無輕重悉皆原宥  
七年春正月辛未輿駕親祠南郊四月乙未陳桃根表上  
織成羅文錦被裘各二首詔於雲龍門外焚之八月周遣  
使來聘是月甘露頻降樂遊苑辛未輿駕幸樂遊苑採甘  
露宴羣臣詔於苑龍舟山立甘露亭十一年春正月丁酉  
龍見于南兗州永寧樓側池中二月癸亥輿駕親耕籍田  
三月丁未詔淮北義人率戶口歸國者建其本屬舊名置  
立郡縣即隸近州賦給田宅秋七月辛卯初用大貨六銖  
錢八月甲子青州義主朱顯宗等率所領七百戶入附丁  
卯輿駕幸大壯觀閱武十一月詔建子令月微陽初動應  
此嘉辰宜播寬澤可大赦天下甲午周遣柱國梁士彥率  
衆至肥口戊戌周軍進圍壽陽以新除中衛大將軍楊州  
刺史始興王叔陽爲大都督總督水步衆軍十二月乙丑

南北充晉三州及盱眙山陽陽平馬頭秦歷陽沛北譙南  
梁等九州並自拔還京師譙北徐州又陷自是淮南之地  
盡沒于周矣十四年春正月己酉高宗弗豫甲寅崩于宣  
福殿時年五十三上謚孝宣皇帝廟號高宗葬顯寧陵

### 陳叔寶

陳書曰後主諱叔寶字元秀小字黃奴高宗嫡長子也梁  
承聖二年生于江陵江陵陷高宗遷關右留後主于穰城  
天嘉三年歸京師立爲安成王世子太建十四年正月高  
宗崩即皇帝位于太極前殿詔大赦尊皇后爲皇太后宮  
曰弘範立妃沈氏爲皇后七月辛未大赦是月江水赤色  
如血自京師至于荊州九月設無尋五溉大會於太極殿  
捨身及乘輿服御至德元年正月詔大赦改太建十五年  
爲至德元年二年十二月夜天開自西北至東南其內有



青黃雜色隱隱若雷聲後主在東宮好學有文藝及即位耽於酒色常在後庭不恤政事又於光昭殿前起臨春結綺望仙三閣閣高數丈並數十間其牕牖欄檻之類悉以沈檀香木爲之飾以金玉間以珠翠微風暫至香聞數里瑰寶奇麗近古未有其下積石爲山引水爲池植以奇樹雜以花藥後主自居臨春閣孔貴人居望仙閣張貴妃居結綺閣並複道往來婦人麗質巧態以從者常千餘人張貴妃孔貴人等八人侍坐尚書令江總孔範等十人侍宴號曰狎客上令八婦人制五言詩十客一時繼和遲則罰酒君臣酣飲從夕達曙所司皆因闈人奏事主者由此擅作威福軍旅警備並皆不修任用沆客卿施文慶等以苛刻爲忠於是文武離心莫肯用命隋文帝謂高穎曰我爲百姓父母豈可限一衣帶水不拯之乎命大作戰船人請

密之隋文曰吾將行天討何密之有使投楫於江彼若能改吾又何求乃遣晉王廣爲元帥以討之及聞隋軍臨江孔範曰必無渡理但恣妓樂縱酒作詩不輟明日隋軍濟江陵文武百寮皆遁出唯尚書僕射表憲侍側憲勸端坐殿上正色以待之後主曰鋒刃之下未可當之吾自有計乃逃于井旣軍人窺呼之後主不應欲下石乃叫以繩引之驚其太重及出與張貴妃孔貴人三人同束而上賀若弼呼後主視之惶懼汗流股慄再拜弼謂之日大國之卿當小國之君拜禮也入朝不失作歸命侯亦無勞恐懼三月後主與王公百司發自建鄴至長安後主已下大小在路五百里累累不絕隋文宣詔讓後主後主伏地不能對乃宥之給賜甚厚每侍宴恐致傷心爲不奏吳音後監守者言叔寶願得官號隋文曰叔寶絕無心肝監守又言叔



寶日飲一石少有醒時隋文曰不爾何以過日及從東巡狩邙山賦詩曰日月光天德山河壯帝居太平何以報願上封禪書并上表請封禪隋文謙讓不許後從至仁壽宮嘗侍宴乃出隋文日之日此敗豈不由飲酒作詩將此功夫何如思安邊計策初賀若弼度京口被人密啓告急叔寶爲飲酒遂不省高穎至猶見啓在牀下未開封豈天亡也後主以隋仁壽四年十一月終於洛陽在位七年年五十二歲

史臣曰後主生深宮之中長婦人之手既屬邦國殄瘁不知稼穡艱難初懼陸音危屢有哀矜之詔後稍安集復扇淫侈之風賓禮諸公唯寄情於文酒昵近群小皆委之以衡軸謀謨所及遂無骨鯁之臣權要所在莫匪侵漁之吏政刑日紊尸素盈朝耽荒爲長夜之飲嬖寵同豔妻之孽

危亡弗恤上下相蒙衆叛親離臨機不悟自投於井冀以苟生視其以此求全抑亦民斯下矣遐觀列辟纂武嗣興其始也皆欲齊明日月合德天地高視五帝俯協三王然而靡不有初鮮克有終其故何哉良以中庸之材懷可移之性口存於仁義心怵音於嗜慾仁義利物而道遠嗜慾遂性而便身便身不可久違道遠難以固志佞諂之倫承顏候色因其所好以悅導之若下坂走丸順流決壅非夫感靈辰象降生明德孰能遺其所樂而以百姓爲心哉此所以成康文景千載而罕遇也







字脫據晉書載記補 在洛陽國國字衍 待宇宙混一  
待作聽據本書改 葬淵永光陵光字脫 劉聰 前趙  
錄雨于平陽于字有誤或土字訛 辛酉庚時日落地三  
月相承出於東方清本庚作夜月作日 犬冠帶綬本書  
冠下有武冠二字 死者過半者過二字脫據本書補  
會稽王康本書康作哀 鬼哭宮中至於九月夜聲不絕  
官中作室據本書改夜上疑脫晝字 為謚昭武皇帝清  
本無為字本書作日武皇帝按為疑偽訛 荒醜醜字闕  
但可永明但作俱永作來 劉暉 前趙錄太宗之達  
至然至疑致訛 無故踟頓清本踟作踟

後趙

石勒 後趙錄非不祥也非作無據本書改 馬牧率率  
字脫 能相馬相字脫 赤龍騎諸苑中清本無騎字

勒請勒字脫據本書補 報嫂報作執據本書改 石虎  
後趙錄女官十八等女官作宮女據本書改 上盤置  
燎盤字脫據本書補 薨于金華殿下注晉書云云二十  
四字脫 執遵于南臺遵字脫據本書補 初青龍元年  
初字在元上據本書改 晉書自相殘害相字脫 閔徒  
封閔字脫據本書補 石閔 後趙錄及長身八尺身上  
當有長字 遣拜顯上大將軍遣下當有使字 妄稱妄  
字脫 告鹿眇廟眇廟二字脫 懸繩而出繩字脫據本  
書補出字本書晉書並作下

前燕

慕容廆 前燕錄討公孫淵有功有功二字脫 太康元  
年清本元作五 王沉本書晉書並作王濬 皆讓不受  
受作授據晉書改 慕容眇 前燕錄改備羣司羣作解



新興郡下當有侯字 慕容儁 前燕錄出璧二十七  
圭二十七圭四字脫 慕容暉 大不平之平作使 晉  
書通虜虢字脫清本無通字

前秦

符洪 前秦錄安定梁楞等上下當有脫文不然等字不  
通 苻健 前秦錄族會曾下有脫文 長安謠男便便  
字脫 日盡乎日作知 輒怒輒作酒據本書改 捨仗  
歸堅捨仗作擒伏 苻堅 前秦錄頭大重重上疑有脫  
文 潞川清本川作州下同 猶來格模猶由通 爲岱  
所滅岱疑代訛 伐天錫下當重天錫字 左右僕射權  
翼一人兼職左右可疑 若門在灼然者清本若作居  
勢還勢當執訛 惟慕容垂惟作及據本書改 以定關  
東以已通 苻暉都督清本上有配字 先是謠言堅信

之削略謠言文不成義 苻丕 前秦錄正月丕云云正  
五訛 苻登 建元元年元字脫據本書補 無訛臣臣  
作神據晉書改 與崇帥衆二萬與上當有定字 是歲  
是上疑有脫文

後秦

姚弋仲 後秦錄九世孫遷鄒本書九上重虞字 姚萇  
後秦錄司隸崔翼清本崔作權 姚興 後秦錄舍聽  
胡顏清本聽作恥胡作朝 姚泓 泓子彭城公子作于  
今改 亦降于裕亦字脫

蜀

李特 蜀錄斷北道道作通據本書改 部下部作都據  
本書改 尚出迎戰尚疑特 及稱尊號上當有雄字  
李期 蜀錄以期與班非雄所生按期班疑皆雄猶子故



云爾 李壽 蜀錄吳會作江吳據晉書改 李勢 改  
太和改下當有元字 戴記云及第戴載訛第弟訛 蜀  
錄晉永和三年歲在壬戌清本壬作庚按此歲丁未二本  
皆誤

前涼

張軌 前涼錄太子舍人太子作宮守 與京兆杜預以  
所注易遺之與下有脫文本書所作聽遺作遣 張茂  
前涼錄世康忠順清本康作執按康疑秉訛 張駿 前  
涼錄鄯善王元孟清本孟作禮 集閣本書閣作問 玉  
石縣本書石作右 王母堂本書作玉堂 張重華 前  
涼書胎則無耳本書則作則 十年乃生本書十上有八  
字 張祚 前涼錄寧涼侯寧涼倒 比干氏清本同本  
書晉書並作辛氏 將靈曜將疑戕訛 張玄靖 前涼

錄地陷爲作池東大 張天錫 前涼錄拜隴右閩中諸  
軍按隴上當有督字

西涼

李嵩 西涼錄自稱涼牧涼下當有州字 段業復復下  
有脫文 訓誠以厲作訓厲以誠本書同誤也今據晉書  
改 立二子歆二子作好據本書改

北涼

沮渠蒙遜 田昂昂作昂人

後涼

呂光 後涼錄駿馬萬餘匹上有脫文 奉表表字脫  
呂纂 後涼錄善輔永業輔字有誤 呂隆 後涼錄請  
迎于秦秦下復當有一秦字 本善麟 慕容暉 劉暉

後燕

後燕 劉暉 慕容暉 劉暉



慕容垂後燕錄阿六敦敦作牧 以兵屬屬下當有堅  
字下土谷之俎陽之字脫據本書補 慕容盛 後燕錄  
為蘭難所殺本書難作汗 慕容熙 後燕錄有淚則不  
本書作有淚以為忠孝按不下蓋脫罪字 奉表表字

南涼

南涼二字脫今照前例補入 秃髮烏孤 南涼錄子壽  
闐立本書下有壽闐卒三字 機能本書下有立字 壯  
果果作梁子晉書顯羅本書顯作濕

南燕

慕容德 南燕錄請征自效征疑往 仰承俯順俯作儕  
不賞本書作賞不 俄而震起百寮驚清本震上有地  
字按起字當在驚下 慕容超 南燕錄不告母妻辭母  
句有訛誤

西秦

乞伏國仁 西秦錄祐鄰祐作拓結權結作詰據本書及  
晉書文改 乞伏熾盤 西秦錄翟就清本就作勒 妻  
吐蕃氏本書作秃髮氏 乞伏慕末 西秦錄傅侍中傅  
上當有脫文 乞伏跋跋本書同清本無一跋字

北燕

馮跋 北燕錄李垂本書晉書垂作桑 轉禍為福為福  
二字脫 馮文通 北燕錄鵝青來攻來作代 葛居孟  
光本書同清本居下有盧字 勾麗軍人所掠勾上當有  
為字 龍城清本作和龍

夏

赫連勃勃 夏錄子右地代清本同本書作力侯提晉書  
作力侯提 赫連昌 夏錄承光元年承作永據後承光



四年改勃葬葬薨之訛赫連定夏錄其瓚清本莫  
作慕韓夏錄字亦訛此訛本同本書引代劉義符

宋

劉裕 徐爰宋書是至二字疑倒 豫章郡公郡字脫據  
沉約宋書補 留船作般據沉書改人自隘道側隘疑  
縊訛 劉義符 徐爰宋書忌憚按脫義貞二字 沈  
約宋書第五皇弟義恭第作帝義字脫據本書改補 劉  
劭 沉約宋書使道育祈請令不上達清本使上有上知  
二字令下有過字 遂為誣蠱脫為字清本無誣字 並  
都街並下當有徇字 劉彧 沈約宋書晉安王子勛並  
賜死並上疑有脫文 劉昱 沈約宋書昱他夕每開門  
門字脫據本書補

齊

蕭道成 蕭子顯齊書不得以綾為飾以下三十七字脫

蕭昭業 齊書夾閣迎奏夾作入據本書改 使蕭鸞

等使字可刪 蕭鸞 齊書建元二年作建武元年 理

鎖前書清本書作王 大存儉約大作太據本書改 蕭

寶卷 齊書降義軍義字脫今照本書補 由東宮由作

遊據本書改 生蓮花生字脫以意補 急裝急字脫據

本書補 崔惠景事崔惠景三字疑衍 唐論亡身亡作

忘微 北齊 高歡 北齊書今同舊書

北齊

高歡 北齊書舊人也舊字闕 有馬得給鎮為隊主鎮

為四字脫據本書補 轉為函使轉下衍輪字 騰復命

神武復字脫據本書補 第一鎮人本書同清本人作太

斛律光律上衍斯字 余書背微點背字脫據本書補



高洋北齊書虜獲千余雜五字脫余作金今改事西  
伐事作俟元黃頭清本作黃元顯本至于鳩紇于鳩紇  
闕據本書補清本作鳴紇高演北齊書乃即朝班乃  
即二字脫據本書補未聞政術聞疑閑詛此事度可  
久行本書度作安高湛北齊書令所司遺詔司下當  
有脫文高緯北齊書所以停後本書後作緩尉遲  
綱綱作剛據本書改得三牛本書斗作升  
蕭衍梁書南蘭陵南字脫開隙釁起開隙倒三百  
艘注音闕清本作音叨按叨艘聲殊蓋誤也本就行事事  
字有誤蕭緯梁書出行都柵都字脫太子皆皆上  
常有諸王字侯景侯景上宜出書名督眾軍清本  
軍作主邵陵及大清本人作矣戰應尅捷戰下行勝

字據南史刪

後梁

蕭巋明帝上當出書名下蕭琮同未能輔桀清本輔  
作抱樂蕭琮二執別請本無二字

陳霸先陳書中直兵參軍直字脫貌而觀之高祖六

字脫征東將軍東作都清本作左皆非也今據本書改  
齊人背約背作佩據本書改陳檠陳書密衷衷作

裏光宅光作元陳頊陳書辛未耕籍田清本作親  
祀北郊灰瑄灰字闕毒茲異境清本茲作流大壯

觀大壯作太社據本書改微陽初動動作載陳叔寶  
陳書自有計有字脫史臣曰帖危帖作玷











